

孫淵如先生全集

租船詠史集一卷

芳茂山人詩錄第五

新除山東督糧道之官口占

一紙除書到驛亭故山南望不勝情別來鶴笑軒車

態

白鶴一雙出山
時寄友人處

聽慣蛙忘鼓吹聲未信澄清關此

出轉因溫飽惜平生從他腐傅蕭條甚自有圖書抵

百城

山左道中

駒隙猶餘感鳥私詎忍忘得登

天子陞重到聖

人鄉負米辭岐路浮家泛一航莫嫌行色儉文史富

連檣

倉史廟

生公臺畔劍池旁展謁新祠憶聖倉異表不妨傳四
目世官誰復擅三長漆書字不留中古白水碑空卧
夕陽我自鬢齡攻篆籀手摹蘋藻薦心香

試院卽事次鐵冶亭中丞

保韻

芸館追超記昔因棘闈文燕過蕭辰絕無雲處重圓
月大有年中後樂身馬帳生徒他日廣庾樓風景一
番新謫仙得住神仙府未覺蓬萊隔世塵

一臥滄江五度秋湖山重到憶清遊感恩令伯仍持
檄擊節袁宏久住舟政美不妨官有暇才疎深媿志
難酬籌河積穀經綸在借寇人思節鍼留

再至東省過河漫各縣

龍節巡工此地過滄桑重見感如何

嘉慶元年攝巡河道勘工臨清

大開神禹曾疏濱

大清河卽漢人所云河行誰濬

齊桓舊塞河

徐書及鄭氏注經俱云齊桓塞

今東省王莽河卽禹津徒駿馬頰諸

河故道所經洩運河

秋漲入海年久湮沒事有非常須慮始議無上策況

謀多郊原極目哀鴻集

余脩居金陵終母喪

婉對移文別澗阿

余脩居金陵終母喪

後二年因祖母九旬不復赴補

大府檄至里門起余視河察賑

漕轉兼施古法存吳溝

淮泗有通津

宋時設轉般倉江船不入汴汴

船不入江以爲良法故云自轉般之法行漕益富而人亦便自直達之法用漕益全而人愈病今淮泗通

北爲吳溝通商會故道若設倉轉剝不借河流也

下游障口虛糜帑高地行

河索解人

難以行平地數爲敗乃廢二渠以引其河

北載之高地過降水至于大陸搘爲九河謂河過汜水

大邳山卽分其流一爲漯川一從黎陽山北行也

康麻訪基田嘗問余禹之治水由地中行何反置之
高地余曰此卽禹貢北過大陸也高平日陸河行高
處當掘深之則由地中行若行平地必入築堤所謂築垣居水田廬低下如今齊豫數被災也蘇轍

妄言頻誤國

河不兩行之言起於蘇子由不知與二渠九河之說相反一河受百川秋水貫

注勢不能容頻歲浸灘決口固其宜矣
評論可有人間柱石臣余權泉時山左大府檄尋治之又奏稱習鍊刑名操守廉潔辦理地方事務均屬裕如惟河務非其所長易人代任

次韻答吉漕督

禹濱枝流歲幾經偶隨鷗鷺宿沙汀十分爽籟升秋月一路明河望使星下水船如年矢急被霜蘆感鬢絲青運租尙有清吟客廩亮樓高竟夕聽

題左寧南復督師孫高陽檄調揭帖崇禎十六年有平賊

印將軍

督師平賊權難一倡義勤王勢已孤孫左也非亡國
將辱明失計不遷都

倪文正會有此詩
思陵不能從也

題息隱園圖

息隱園中大隱人閒居一賦自娛親琴書無恙風流
在六代中郎有後身

蕭疎修竹最依依正壑胸中有化機知向南華悟真
旨圖中蕉鹿是耶非

愛招逸客敞高軒四面山光半畝園恰共翩翩吳季
重也來十日飲平原

苔痕石上襍題痕惆悵尊前手又分我亦青谿同結

宅輸君不負北山文

通州視三弟

星齋

于三角淀回舟口占

泉州地僻守桑乾累日壺觴得盡歡千里一麾臨海
角六年三度到河干西堂春草勞歸夢北路車塵厭
此官懸仗徵蘭有消息高堂聞信一加餐

次韻答吉漕督

雨過銷殘暑天空見海暾檣排疑隔浦帆轉不離村
豐歲看禾穰歡聲過市門宦情聊復慰猶是夢田園

李鹽政招飲次裘制軍

行簡

韻

綠酒波生燭燄斜西沽有客正思家吳歌繞座鯈魚
出消得離愁住天涯

節鉞增輝翰墨場偶因按部攬春芳梅花一賦驚才
露不信先生鐵石腸

槎使虛傳博望侯運租高味幾經秋詩人星聚行臺
少對月同登庾亮樓

朋簪都似合延津分手期敷四海春莫學公孫餐脫
粟要開東閣引賢人

題梁丘誨同年鳳雛山館圖

意中池館眼中山畫裏居然翠壁環畱得鳳池家學
在清聲不斷五雲間

烏衣華望好門才千里征車把臂來我亦誦芬思舊
澤卜居新傍鳳皇臺

題閨人真

春風吹動鬢邊班自展生絹對遠山輸與閨人出塵早玉京相見尙紅顏

曾記聯吟夜閣虛小園松竹亦蕭疏無人鬪茗焚香

坐甘載繩牀擁亂書

予出門歸僕人
輒已整理書籍

人間小別太匆匆墓碣新鐫宿莽中營奠營齋等閒事孟光同傳約梁鴻

檢點牛衣淚未乾清宵論史一燈寒對君最媿王草事兩度虛彈獬豸冠

石琢堂殿撰

朝玉

北行留別

一詩次韻奉答

已分橫經又荷薪名山未乞向平身五雲先後朝

天客一部旬宣假節人有約
萼鱸尋釣具莫教塵

土滯車茵雲巖別墅山塘路孤負梅花在水濱

題春帆北上圖

天人策上驚時輩湖海才高作壯遊回首浙西山色
裏何人能上李膺舟

一樣尊鱸動遠思春江我更挂帆遲得歸淺水蘆花
處莫羨乘風破浪時

華秋槎司馬瑞濱北山旅舍圖

葛仙墓下白隄前廉吏樓遲屋數椽孤負陶潛三徑
菊料量劉寵一文錢琴書課子青燈畔風木思親夕
照邊他日匡山讀書處流傳佳蹟勝平泉

匡廬識面圖爲胡稚君

虔作

千里探奇汙漫行皖江雲入豫章城廬山自有先生到不許匡君占得名

搜討名山爲注書傳陽原似古時無約君近訪安豐

嶺一補人間禹迹圖

大別山在廬江安豐縣出漢人注今所傳阜昌禹迹圖移於漢

水之

萬壑千巖尺幅收白雲盟在媿閒鷗我尋五嶽才登四試展生紳作卧遊

胡稚君環山小隱圖

曲曲青谿憶釣遊蕭蕭鞍桂足淹留有人問訊陶潛宅千仞山圍萬卷樓

經學傳家自安定臯比奪席到蘭臺蒲輪莫負求賢

詔小隱還招大隱來

周駕堂給諫厚轍視漕天津兼權鹺使詩以紀

事

析津民吏盡歡騰黃券除書得未曾詔傳忽持雙使
節頭銜猶愛一條冰女兒酒到儀俱却學士鹽行價
不增却稱東方貧轉運運船上作吟朋

題停琴待月圖

白雪何妨曲奏遲青天應問月來時使君自有驚人
句不用重攜謝朓詩

名山多暇足良遊管領東南第一州千古琴川風月

地弦歌飛上庾公樓

轉粟功高到日邊乘槎人望若神仙一輪卿月升霄漢又和虞廷奏五弦

金雲莊比部德輿得岳祠銅爵將歸岳氏屬題江山半壁長城壞祠廟千秋祭器留出土也應同碧血傳家原未抵金甌精忠有後宜無恨爵有精忠報國及岳祠建造篆神物逢君異暗投把酒止澆墳上樹黃隆痛飲願須酬

李觀察

廷敬

座中分賦

插秧

水中分種日中栽畫出江南錦翠堆兩岸翻車聲盡

歎使君甘露應期來

繅絲

應機誰與展經綸訝許文章觸手新只有素心同不染繭絲辛若笑何人

造醬

覆餅剩有著殘書三伏弄藏到臘初此味由來勝鹽豉不知調鼎竟何如

曬藥

茅檐赤日正暄妍料檢參苓入籠全能活千人著千卷不曾服食也延年

折荷

卓午涼生綠水灣碧筒豪飲幾人閒荷衣製就商量
久莫被簪裾賺出山

浮瓜

清泉手汲注磁盆沁齒涼生碧玉痕一樣寒漿圖一
飽青門何必憶朱門

賣冰

似雪寒光透苧衣晶盤相對却炎威只除天上條冰
貢賣到人間一片稀

舟泊揚州大雨三日夜以郭河陽夏霖圖留贈

會都轉

燠

邗溝入夜水潺潺雨在河陽畫意間却羨無心雲一

片有時出岫又還山

結軼朝天喜盍簪高齋話雨又題襟待公此去趨
宣室問罷和羹問作霖

時與都轉先觀人

六月三十日抵棲霞口占時乞假南旋

六年塵土夢鄉廬錦翠林巒畫不如猶對青山染須
髮歸田爭忍待懸車

六月三十日遊棲霞在珍珠泉壁見王夢樓太
守詩次韻和之因寄汪春田太守

爲霖

安石林亭靖節籬歸仍草草出遲遲行蹤野鶴孤雲
伴心跡清泉白石知信宿未能忘樹蔭用三宿桑下事登臨
莫待藉筇枝青山如舊循青鬢慙媿重來異昔時

苦埋三逕菊荒籬歸計秋風莫再遲汎梗官場餘我
共浮雲世事幾人知有情雪認飛鴻印無恙松留待
鶴枝記否僧寮同聽雨六年如夢不多時

癸亥與汪春田同宿

珍珠泉

山左彌月望雨余入境過鄒城費縣寧陽連獲
甘澍喜而有作

急雨驅蝗墜作堆郊原無際送青回誰知直指隨車
雨也爲征人灑道來

纔辭館粲又壺飧不信椒蘭過有芬我似鄭莊糧不
裹非關人愛故將軍

題牧牛圖爲孫令

良炯作

風景桃林得自由戴嵩名迹偶然留夕陽芻牧鴻誰
問却怪他人畫門牛

不施鞭策自天全藉草看雲一晌眠誰識牧人辛苦
意待他蕃息已經年

乘田小試有前塵休養能回萬物春畢竟牧民還似
此中朝問喘望何人

讀漢紀偶成

梁冀初誅海內清朱雲何事欲捐生杜門周協從容
甚却恐人知不屈名

題余秋農晏丹陽道中踏雪聯吟圖

傳書張逸應成志問字揚雄亦有亭莫似程門虛立

雪空談理學不談經

君於東野爲雲久我恨宗之識面遲悵好丹陽山色
裏雪花如掌獨行時

華秋槎司馬觀瀑圖

不買青山但觀瀑使君風味尙書生巖如翠黛窺簾
出宮似神仙着屐行却對急流思勇退誰從高處更
揚濤披圖我媿征塵滿何日來聽萬壑聲

邢侖山大令澍松林讀書圖

蒼松門外作龍鱗著述中年漸等身爾雅手增家學
關西傾目驗地圖真判除案牘橫經籍料理蒼生對
古人我望關西傳絕學天涯相見卽相親

轉粟北河舟中卽事口占十首

嫣紅露重捲牙旗嫩綠風吹上柳枝一縷名香兩行燭使君船過路人知

萬軸綿綿映翠裾問奇門茗日無虛五湖却笑鷁夷俗只對紅妝不著書

潞水津關駐玉驄阿連來往一尊同

三弟星衢官直隸每年皆到舟

次敘聯近擢天
津管河通判不高官職閒雲似最好游行在半空詠史租船六七年醉時判事醒時顛乘槎試近高寒

處多少神仙羨謫仙

手版遺忘禮節疏謂倉廩忘攜及又看朝爽倚庭除笑

他大夫持籌吏也乞先生玉筋書

拍浮日倚酒船豪
甘脆何曾饜老饕
一事江南較差

勝鼠姑時節已持螯

北河春夏蟹螯已肥

啼鳩聲中綠樹稠
乍嘗鄉味減鄉愁
鯈魚清飲如蟬潔
何事浮沈在濁流

衛河一帶近年多有刀魚卽說文所謂鯀魚飲而不食者

動地狂飈十丈吹
辟塵簾箔四邊垂
睡鄉自有逍遙福
夢見天清地曠時

雲母窓虛月漸高
夜深仙侶對拈毫
醉來尙有宗之共
玉樹橫眠覆錦袍

尊鱸堂上勸加餐
未到懸車要挂冠
從此收帆向南國
平江烟水接長干

庚申冬日同人集一榭園閑十年矣偶屬吳山

尊學士

兼

題冊有感舊遊率賦二律卽用唐

陶山刺史

仲冕

元韻並以寄之時已巳年七月五日

十年陳迹散如雲高燕鱸鄉憶夜分井上已投佳客

轄座中思接令公熏

是日陶山因公事不至

龍韜說劍慙初祖

虎阜棲神近故君重到山塘舊遊處

幾人惆悵話斜

曛

戊辰年假歸燕集一謝園所遇毛君用吉鈕君樹

玉表君廷檮陶君珠琳黃君丕烈顧君廣圻何君

元錫陶君梁吳生鍾汾戴生延祐俱題名中人

林亭臨水又依巖尙惜風光不越凡攬轡久貽名士

誚廻舟合署散人銜看君鶴鳳遊三島

陶山子鑑已入翰林老

我雕蟲枕一函擬向元龍牀下臥笑他宦海更揚帆

題徐河督

端

漢水秋屯圖次鐵撫部

保韻

麾戈誰埽漢陽平人羨班生在此行國士運籌還入幕書生投筆便談兵冠加鵠尾眞儒將手射旄頭落賊營天與長城衛河洛一軍風鶴隔江驚

十騎登壇乍有須橫經學劍術非疏天人城北瞻殊表烽火關西奏捷書受代我寧慚伯氏前罷東魯監司時得節下代好賢人惄薦由余山東江南督撫以君善治河文章薦舉東南行水頻持節才望原從此際儲

僞廉吏

僞廉吏日食一羹衣短袂左持法律右會計終日何喧喧興利復察弊清晨官中下火符吏胥戰粟民歡

呼催科不得名一錢起徭不得餘一夫東郡雪冤獄
西邑枉法誅守令變色走路隅懷金曳橐空踟躕清
聲徹九天夜半得如召入溫室問民疾苦寒
暑怨咨惟爾恤撫承命稽首拜且舞出朝揚鞭氣如
虎日食不煩廚傳夜宿不入官府手曳空囊別有譜
道旁舊吏索資斧昨夜喧傳有過客公子輝煌到京
闕東家得價鬻高樓都下新添廉吏宅

迂書生

迂書生小小捉刀削六經眼底五花烟霧橫苦心立
言說經意隔席爬癢指爪輕巍巍高科那刺促東閣
陳言親簡牘風聞例得入彈章解豸非邪亦善觸去

年上書陳理財科條細密煩安排公門拜爵復幾許
私室金溢光皚皚七月河流走霹靂飛鳴滿郊不得
食黃金可成川可塞問之不語坐默默

西湖三舟圖

題詩讀畫盡名流問水尋山數舊遊此地白蘇留古
迹何年李郭住仙舟一時勝賞千秋擅萬頃湖光尺
幅收我亦鴻泥餘印在倩人添寫詣經樓詣經精舍
前有第一

樓予昔居此

題鵝刺史

湖三士圖

寫東坡詩意爲抱朴子而端明及東坡三象自爲白

衣送酒人

神仙與隱逸各自有千古東坡曳簪纓頗歎世塵苦

同有曠世才光燄筆端吐三賢參列宿餘子盡搏土
古人不見我此恨孰能補馮君不凡士白眼視寰宇
空堂對前哲折節酬清醥人物近眇然名山倩誰主

贈汪春田太守南歸

柳暗花明水拍堤淮南一棹去如飛漫愁此郡多逋
帶直爲時魚便合歸

板輿無恙鹿東存試檢奚囊句又新有費心神嬰世
務半園花石待經綸

拂衣輪與着先鞭將隱何須負郭田他日同尋舊遊
處棲霞山館虎邱船

阿城握手掣行厨安德停驂待郡符草草官場真等

夢不曾沈醉在明湖

題姚尚衣

貞行樂圖

使君古君子篤行孚天人獨立性不阿蠖屈道自伸
聖人鑒忠讓授節來江濱尚衣佐垂裳擁稅無
贏緝永懷過庭時重闢行馬門豈惟位業嗣且喜清
白傳衡門偶相訪傾蓋若飲醇既瞻江令宅復遊謝
公墩觴客筵屢張哦詩筆如神燕閒寫作圖眉字含
古春桂根在天窟桐德參高旻雖兼濠梁性彌感
恩遇頻潢池乍解甲瓠子猶負薪獨抱經世懷堪
與知者論當今赤心吏誰似黃髮臣期公此開府余
復歸垂綸耆英倘入社班白逐後塵

季春上浣得雨偕汪刺史

爲澠

張州佐

玉城

泛

舟次韻

夕陽初展墨雲收，喜見新苗綠滿疇。
薄宦心情閒似客，濃春風景澹於秋。
永和會溯重三節，屯氏河餘九派流。
草行廡成雅集，幸逢李郭共移舟。

深源輕出媿虛名，紆鬱澄清攬轡情。
夢巖同以散館改官扶犁感我欲歸畊，千家桂玉愁纔減。
一夢純鱸去未成差喜，隨車三日雨行春。
村落有歌聲。

天津令任同年

銜憲

招飲并東胡同年觀察

銕

酒波漸鑿蠟燭烟斜，杳杳仙曹葉令衙。
清夢再尋蓬島路，黑頭同插杏林花。
予與觀察同年同入翰林又同改官

皇州麥

潤隨車雨

天路風回過客槎猶對笙歌憶雲水

六年痼疾在烟霞

天津道中鯪魚入饌口占

盈尺銀鱗入饌奇故鄉風物鎮相思來從江海交流處去趁年光最好時細膩不嫌多骨鯪清華端不借膏脂虛傳八月還重出郭璞神仙却未知郭氏注爾云二月八月出不拘爾雅以類相從蓋則今南中之吳鱠小干鯪魚而味不及非一種也鱠音同幾言似鯪魚而小者殿之義爲小

倉場玉侍郎

寧戴侍郎均元

招同洪數撰

瑩燕

集尙書館

倉場署題額

卽席賦呈

方丈筵開尺五天長安知遇記他年金龜賀老尋常

解

官都下時屢與玉侍郎敘飲

衣鉢和凝一再傳

洪修撰出戴卿及相國衡事

船

予自甲子年至庚午七運東漕

蕭曹政要先寧壹道德親書第幾

篇

座中有玉侍郎書老氏書

深源再出媿虛名攬轡何曾獄市平自分圖書老空谷敢誇霄漢有門生

門生滿霄漢自居易句

修撰昔年問字于予

襟期共

領西山爽心跡都方潞水清差喜計臺添韻事瓊林陪宴補春明

故事狀元歸第列科一甲官會宴予自外任未得預

德州偕吳學士

嚴孝廉

可均周刺史

履端放

舟衛河小飲次韻

急流東去見層波殘暑初消換薄羅屯氏河荒遺迹

古米家船小載書多宦情漸比知秋葉樂歲聊看合

穎禾六載平津真卧治媿無循政入輿歌

送吳學士

還山用唐刺史

仲冕

韻

曾攜采筆賦凌雲又咏揚州月二分子舍去修蘭膳

絜征衫來帶

御爐薰

中朝開閣今非昔歸

路先鞭我讓君到日秋風及鱸膾不辭行騎觸炎曛
畫錦猶嫌耀碧巖素衣爭有落塵凡徑修封事陳烏
哺不問除書有鳳銜名嶽再經遊十日古碑此去獲
千函明年芍藥花時節有約金焦飽放帆

德州晤朱觀察

爾虞

口占贈之

魯酒慚佳客仙舟緩去程共消三伏暑重敘廿年情

僑郡依棠近

余僑居金陵爲觀察舊日官所

官裝載石輕古梅花尙

在別後幾枯榮

觀察昔以有古梅一株數百年

寓隱仙庵

物

家學傳紺素殊勤勒鼎鍾潢池能淨埽萍海竟重逢
時將病

老我飛騰意輸君磊落骨無田亦歸去不待學爲農

受業海寧楊文蓀校字

先生於嘉慶癸亥歲起補山東督糧道歷甲子迄辛未其間乞假南歸者一督運北上者八每於潞河舟次擁書數千卷公餘時有著作兼會集名流多觴詠之樂故自題行舫曰運租詠史之船茲編租船詠史集爲第五卷凡古今詩九十五首從子壻龔慶謹識

治城絜養集卷上

芳茂山人詩錄第六

題東山絲竹圖

一局殘棋似敵兵。拂衣何必待功成。
陶情絲竹中年後。已被蒼生誤半生。

宿清黃交會口舟次口占

一夕波濤宿水濱。八年塵土涴車茵。
秋來病骨驚心早。南下河身障口頓。
開卷易忘行路險。求醫難似濟時。
人黃花待我過重九。且向東籬醉幾巡。

題嚴子陵却聘圖

蒼松畫有物外僧印不知何人

時平容汝去巖廊。一櫂烟波指故鄉。
多事客星干帝座。狂奴不及介推狂。

蘆花淺水任浮沉。莫笑還山入未深。却聘歸來仍罷釣。高人并少羨魚心。

得趙文敏所書曝書二字以署書樓口占二絕句

三層閣擁百家編。腹笥何曾似孝先。薄宦廿年徒立壁。買書錢是賣文錢。

思量故紙隔烟蘿。拂拭凝塵返澗阿。他日不分南北阮。曝衣樓上曝書多。

郭文學

慶以神廬圖屬題

萊國樓臺無地起。彷彿丘壑自天然。青山可待巢由買。明月清風不用錢。

適廬是處可容身。眼見朱門易主頻。我亦山塘新卜築。木坊舍宅學王珣。

予買虎丘一塊園建吳將孫子祠

入畫居然似輞川。夢游何必到琅環。爲君更寫平生願。廣廈應須有萬間。

古詩

人爲倮蟲長。天意令冬蟄。食穀智而天眞。人學呼吸聖賢參化育。衣毛復餐粒。哀彼蚩蚩氓。中年耄將及。我聞上古時。男娶待五十。後來習攻戰。滋生以爲急。伐性牀第間。煎燔自供給。積傷在方寸。何況百憂集。吾衰孔驚嗟。絲染墨悲泣。上壽焉可期。榮名亦空立。齷齪腐鼠餘。青紫莫爭拾。

聖人治性情中和以爲寶。禹教先人倫箕疇法天道。
諸子偏不中一。得自矜矯柰。何索虛無解經羅莊老。
浮屠出東漢。妖夢孰稽考。六朝暨唐人。濫觴飾浮藻。
循環報恩怨。惑衆使祈禱。豈知眞天人。高識空八表。
責已恕自裕。無求物寧擾。不讀非聖書。有羨侏儒飽。
遐稽有虞代。畫衣當刑條。終身異草服。有類捷市朝。
民固不畏死。法峻俗益澆。荀卿疑象刑。性惡識不超。
麟遊讓生草。鳳去驚胎天。察物知天仁。則之自唐堯。
仲由雞冠客。蒲鞭且停操。後有李日知。永屏朴與敲。
彼哉酷吏徒。妄擬執法蕭。宿囚肆非刑。誣服由遮粟。
收帑始亡秦。五虐起有苗。爾後不足惜。壞此玉燭調。

辛未歲臘八前一日遊焦山遇大雪信宿而返
山僧借庵索詩用蘇子瞻放舟焦山韻走筆
付之

一邱一壑目所耽何況名勝誇東南茲山屢過不一
到望若海上神山三窮冬病體幸無恙裹裘瑟縮如
僵蠶整山疑賊靈運懼有田不歸子美慙江天萬里
動寒色蛟龍百丈蟠深潭登山拾給焦洞近枕流高
臥神魂酣濤聲激石壯心骨松風入戶侵笑談夜來
飛雪照巖谷瓊瑤裝飾金仙龕佳辰臘八適相值
衲味勝膏梁甘桑陰三宿恐增戀中冷一酌原非貪
長歌趁韻才力薄濟勝有具衰年堪詩僧高絕況同

志明春再訪山中庵

自焦山放舟登岸仍次前韻

象山招人遠目耽。破浪忽返江之南。
勝遊難得雪盈尺。快友應記人同三。
同道爲劉司馬台斗福文學鶴慶中流回首望
絕壁天然畫木王。荆慙八駒不換此。
寂寂萬瓦未醒居。潭潭鯨波吞山石。
欲裂虬枝戰風聲。正酣漫空天。
花助禪悅照座玉屑開清談。刺鉗旣到忍回懼。
焦仙有約當同龕才名。畫餅豈足飽世味。
嚼蠟無餘甘。江流有時雜澄濁。泉性自合分。
廉貪鴻歸寥廓弋空簋。樹猶搖落人何堪。
急圖清淨屏塵俗。歸途夢繞臨江庵。

題周上舍

廣衡

入關登華圖次吳學士

肅韻

咸秦在天上，二華凌雲標。我遊迫飢驅，適與名山遭。
八年客關西，不問資用饑窮冬。朔風厲，盛暑炎陽驕。
東馬登龍門，豈憚去路迢。天關呼吸通霞際，衣裳飄
驚魂，在千仞。一墜不可招，偶作蓬島遊。遂趨玉宸朝。
求容恥錄錄，易缺愁嶢嶢。翻然夢巢許，無復懷管蕭。
歸田解簪紱，戴笠耘禾苗。側聞西諸侯，翹材盛賓僚。
周郎傲儻姿，華胄東吳遙。飲醇氣誼真，讀畫心神超。
開卷見絕壁，夢游起中宵。蓮手攀弄鶴，駕從嬉遨。
東眺紫氣闊，西酬白雲謠。千巖縮方寸，萬壑工摹描。
浮生苦拘檢，百歲憂勞忉。從君采藥行，長鑑日橫腰。

修羊儻可逢毛女時相要。虛名駒過隙。游蹤鶴歸遼。
手酌北斗漿。衣用天孫絰。借問曳圭組。何似升烟霄。

餞春次查京卿

有坊韻

柳拂池臺絮撲廊。淡烟疏雨玩流光。東風做冷多情甚。
約住飛紅又送香。

綠暗紅稀各有情。爲誰惆悵鬢絲更能消。幾度經旬醉。又聽新鶯出谷聲。

題笪侍御

重光

鬱岡樓隱卷

鬱岡本仙都。古有隱君子。昔游窮地肺。未得餐石髓。
初成迹荒遠。貞白此棲止。千年白雲冷。後見笪御史。
傳真孰添毫。野服想脫屣。道腴故無悶。名在長不死。

楚弓得有時。趙璧反可喜。文孫獲家珍。叔則真雋士。
裴茂才璜爲僕
氏後裔索題
我歸青谿曲。屋映北山吐。五松久成
陰。獨鶴不飛起。誰能圖子荆。枕流洗其耳。

題方閩督維甸青谿放櫂圖次朱文正師韻

公勛合寫凌烟圖。胡爲空谷留白駒。公才
作舟楫。餘事經術追江都。陳情一疏急烏哺。循陔終
日永絳趺。三山二水釣遊處。手握旌節思江湖。計謀
已樹大猷遠。著述獨洗枝辭膚。青谿一碧照鍾阜。放
櫂便抵尋蓬壺。似聞朝寧屢側席。仍以溫清辭中
樞。斯人不出共扼腕。時有雕鷗無騎虞。釣衡須用讀
書種。譬待貞淑媒間姬。東南河患歲頻告。

至尊

汗食民飢劬。山中宰相鄰侯在。借箸有益蒼生無。

慶方伯

保出尊甫尹文端公遊攝山圖屬題次

卷中韻四首

一代勛華垂汗簡。六朝君屐訪青山。顯匪尚有題名在。父老猶思擁節還。落帽高情鴻印爪。龍紗詩句豹窺斑。東南已奏平成績。小試經綸在此間。

銘恩鰲戴尙難勝。逸事開山問老僕。邵伯樹存終古愛。羊公石立最高層。格天政豈誇三異。好士才皆攬入能。民隱繪圖頻人告。封章藏付殿中丞。公遇偏災必請謫緩胸中邱壑本無窮。親仿三垣築紫宮。千佛近依星拱北。萬松齊捧日升東。靈泉珠瀉。奎章麗絕壁天。

開

輦道通供張繁華都屏却祇留柏翠與霞紅

千佛嶺萬松山珍珠泉
天開巖皆攝山勝境

境珠泉

卷之三

西曹東國追趨舊方伯在比部與子同司又同官山東濟泊平生味共

當朝交遊都契合，至關中屢陪節署燕集。將軍霖
鎮金陵亦嘗平相謀太熙長。三月壬午丁巳

相遇從草亭來本船長主恩於節今重建撫節與領江淮久未忘開卷清風思吉甫好傳精自

報
當陽。

渡河

萬頃長河剩半泓。海田轉眼客心驚。
濁流不信清如此。恐有波濤一路生。

題慶方伯保宦游清興圖冊

保家

春郊相馬

伯樂曾過冀北來，能收駿骨到龍媒。
勸君更與求良牧，莫任空櫬困軼材。

平江邀笛

碧桃花發草痕齊，一櫂春江水拍隄。
只惜仙舟同醉處，不曾邀笛在青谿。

趁雨栽蘭

化雨光風未有涯，春來生意滿幽階。
簾間官舍如空谷，便與當門種亦佳。

春園問笛

零紅碎紫漸紛紛，習靜偏宜對此君。
寄語東風好扶我。

植放教育節去凌雲。

東閣開尊

西園雅集留題徧北海清尊達夜開。我似步兵貪一醉。爲君佳約賦歸來。

琴鶴怡神

手譜弦歌致俗醇。又攜玉節觀楓宸。鬱林片石何曾載。琴鶴隨身也。贈人時詔予古琴並以鶴名孫子祠

秋林清嘯

九秋木落見青山。約爛霜林錦翠斑。還似山塘頻載酒。子雲亭子畫中間。

海山雅操

腕底天風和海濤琴音驚舞戴山鰲移情自有成連
在不碍陽春調獨高

蓮池授簡

佳句紗籠在上頭芙蓉池沼燕名流待君接武平津
日開閣重登不繫舟望山相國督部三江作屋署西名不繫舟

海疆奏績

演池烽靖盡凌烟破浪乘風記昔年應笑張騫徒慕
空仙槎虛到斗牛邊

題方制府

雜句

尊甫恪敏公

觀成

萬松丙舍圖

次韻

白首歸來種萬松

首句原唱

胄山南指大茅峯烟霞彩翠

成千色。巖岫回環度幾重。第八仙都名迹在。萬家敬。
地吉占。逢望雲未解。宣風組擁節思攜。訪岳筇手植。
喬林經歲月。躬親負土謝徒傭。邠卿石自生前立。邵
伯膏皆去後釀。再世同藏。遵舊祔兩朝三命。益銘恭
科名屢見。孫枝發節鉞頻聽鴈序。嚙讌輔神君。曾繪
象甘泉。賢母亦圖容。地靈精爽時歸鶴樹古之而欲
作龍。讀禮身常依石室。移忠助久勒金鏽。灑岡舊德
書華表。堂密新陰倚美縱。舍築三年申永慕。墳加四
尺更崇封。銜哀食尚醉鹽酪。
賜奠天教列鼎鐘。
帝念苟何仍降勅。公子韓范合希蹤。北山衡宇
還相望。東野雲龍悵莫從。展墓細尋枯竹偏出山廻。

顧翠雲濃清風大鳥應常駐。儉德羔羊是舊縫弭節
他時勤過訪著書甘我老衰憊五松深處容棲隱高
臥袁安又一冬。子儒居舊王府之五松祠與公奇望街宅衡字相望

得吳太守階書却寄

圖賊籌兵仗筆端故人憔悴乍遷官山居不識平戈
動猶向曹南乞牡丹

題胡玉昆處士金陵名勝圖八幅

鍾阜

龍蟠依舊枕江湄餘地何曾讓。剝兒紫氣消沈黃辱
冷荒谿人覓次宗碑

牛首

歸然天闕作南門。渡馬人知帝子尊似此。家居撞亦壞。千秋名讓謝公墩。

靈谷

萬松陰裏聽泉聲。百級琳宮逼太清。不爲蕭梁延國祚。金仙閑世太無情。

獅嶺

盧龍山險獅峯接。老鶴河驚鶴唳頻。三宿崖前公弼住。南朝此際竟無人。

江闕

潺湲一夜鎖江聲。雨宿風餐感客情。幾簾古書三尺劍。開胥誰識弃繻生。

雞籠

四陵北去一成山。塔影湖光盡日間。儒館傾瀆文物盡。癡雲只解護禪關。

石城

百戰江山越霸基。斬巖虎踞瞰湯池。須知一片降帆出。不及歸舟載石時。

鳳臺

元嘉招得鳳皇來。此地青蓮醉幾回。近我生平讀書處。瓦官遺寺古城隈。子庚子年讀書瓦官寺

五散園看櫻粟花

四山如畫獨登臺。衆綠成陰坐舉杯。花似文章摘錦。

出人隨蜂蝶擁門來隔籬野菜鎔金偏積雨天光埽翠開更有夕陽紅萬頃儘教絕豔費驚才

題國山碑亭圖

趙大令曾攝荆谿因爲國山碑作亭搨本見寄索句

校官晚出天識毀惟有茲碑屹然在東吳蹟古接秦漢皇象書奇敵斯喜我歸未買陽羨田訪古不到山嶺披圖細認善卷洞識字重尋倉頡篇唐侯仲冕風雅趙侯替覆石作亭仍作記封山昔聞孝侯至废舍今同召公憩吁嗟呼賞音人少誰來游古文奇字空遺留君不見會稽亦有孫皓刻誤作空石傳千秋

今所傳空石有天文玉石等字類天璽紀功刻太平
寰宇記會稽縣引輿地記云禹廟側有石船長一丈
云禹所乘也孫皓刻其背以述功焉後人以皓無功
可紀乃覆船刻之字其船中折案卽臨平湖有石函
刻元年時所刻也

題姚方伯令儀秋山賭墅圖

不爲蒼生緩拂衣。家山九點望依稀。角巾便憶華亭。
鶴此段知幾勝。陸機
錦江澄碧照清襟。畫裏秋山似故岑。謝傅竟須輸一。
着身親破敵。又抽簪。

門前櫳檻碧雲稠。遲我升堂謁太邱。留得鑿楹書卷
在。龍門作述有千秋。今嗣椿有橫雲山人著述之志

問奇載酒日盈門。回首靈光幾輩存。我亦治城新卜

築更無人賭謝公墩。

題吳君

文徵

所畫東方三大圖

泰山東海
孔林也

我官聖人鄉。觀禮至孔林。泰山亦三上。古迹親搜尋。
徒持登萊節。未覽滄溟深。翻然憶邱園。聊此投朝簪。
吳君妙詞翰。繪事空古今。買櫂揚子江。來游北山岑。
示我三大圖。燦若天列參。岱宗小齊魯。海若迷涯濤。
神哉奎婁野。千古奉德歆。我歸守書籠。欹枕落白蟬。
爲山割雲壑。鑿水開蹄涔。甘與斥鴨翔。不慕飛鴻音。
齊物等鉅細。從俗聊浮沈。長謝斗簷輩。保此雲霞心。

游仙詩

天賦恬怡適性情。不須辛苦待丹成。周家卜世空千。

古只抵箋彭過一生。

玉樓成後急修文。禹篆周書半失真。我有綠章通帝座。神仙須用讀書人。

幾年都廁困劉安。鶴犬升霄仰面看。未慣高寒仍倨傲。莫貪圭組作仙官。

剩有西王識歲星。清都逸事記三生。分明天上偷桃客。辟戩人間弄直聲。

何曾符籙究真詮。不管滄桑有變遷。聞道昆侖多祝肉。吸風飲露便登仙。

効召真靈盡渺茫。鞭笞鸞鳳太猖狂。神仙不作和平福。怨鬼終尋費長房。

題屠大令悼說詩圖

仙鳧一夕下蓬萊。曾向釣天醉。幾回珥筆詞人滿霄漢。祇今誰似謫仙才。

君由庶常改官

弦歌聲裏自敲詩。況有匡衡助解頤。江左風流愁闌寂。看君壇坫接袁絲。

袁大令枝

商量字字要吟安。漫問高岑與杜韓。我似江淹才盡日。避人詩債築臺難。

題三高士圖次王稚宜

寵韻

何須鳥盡始盟鷗。智可家謀爲國謀。霸越吞吳成底事。却教遲放五湖舟。

范少伯

棲條何處擇高梧。客裏悲秋恨未舒。不_是知_幾聊適

意還山我亦爲鮑魚

張季鷹

泛宅平江趁好春與君千載作比鄰

家祠在虎邱與甫里祠相近

鬱林片石傳家在其羨浮沈宦海人

陸魯望

乙亥歲正月十日病中撰尙書今古文注疏成

因題元戴淳伏生授經圖

伏生自有子而使女授經經簡出壁藏口授其義明

光光廿九篇在世如日星我官聖人鄉訪古近伏城

元和郡縣志陽穀縣故伏城在縣東南二里伏生所居因以名之

鄒平墓空在立後

志竟成

宋明已來設立五經博士惟漢儒未有立後之因俗會學使蹕題請立

伏搏上遂蒙倫允手疏典謨詰絕學矣畢生

廿年抱卅卷閉戶期歸耕病恐命不延撰述起四更

窗前雪盈尺。燭盡雞初鳴。展拜壁上圖。白髮撫自驚。
我子長未覷。嬌女亦始嬰。但期守圖籍。勿讓智翠瓶。
炳燭吾自堪。且緩書納楹。

蔣大令

因培

官泰安浚岱頂玉女池得秦相李

斯篆字殘石見寄揭本索詩

空墓遺篆笑申

元申

屠朝徐鉉

訪古輸君興不孤。一炬

碧霞成瓦礫

乾隆戊午歲碧霞元君廟碑或傳此石已焚

千年玉筋未摸

糊交希。剩憶韓陵石。政美能還。含浦珠。想見賞奇思勝。友先臨日觀。望東吳。

題空山聽雨圖

石葉香濃出翠帷。簪花書好寫烏絲。早梅晴日閒相

對可勝西窗話雨詩。

蔬筍筵前屏舉觴。芙蓉湖畔理歸航。頻年已作浮家客。尙挈紅妝媿道妝。

韶光如夢去。恩恩其遺春。消夜雨中。我似維摩長病在。散花人近只談空。

題沈司馬

恕所藏曹銳畫卷

曹死後王學博芭孫爲其持歸以此

聘蓋作

荀令傷神感逝川。喬公遺蹟省他年。丹青便作妝臉簿。冰壁都成翰墨緣。古道自堪酬死友。增鄉終竟遇神仙。來遲未覩青綾障。此客登堂亦慨然。時耽已悼亡

洪大守

梧汪大守

端光招飲梅花書院出九月

行庵文燕圖索題馬氏玲瓏山館物也

竹西風雅思前輩。花下壺觴又一時。金粟尙留身。後影蠟梅恰放。領頭枝。坐看玉樹頻驚老。歸啖鱸魚各恨遲。謝墅馬莊零落盡。幾人好古共襟期。

張大守問陶爲子題半身小影次韻答之

江湖差喜一尊同。嬾聽高軒接鉅公。曾子不妨生蜀國。步兵原可號江東。頻來放櫂非緣雪。自欲收帆不問風。後世相知儻相識。莫因位薄揚雄。

題廖轉運寅歸鶴亭次韻

長風萬里送歸程。逸翮曾經到碧城。拔宅去疑仙。有分橫江來。應夢初成雲龍亭後傳新記。清獻琴邊數

別情我亦邱樊思戢影偶逢知己一飛鳴

白桃花次韻

也從萼綠證仙因。好與梨花作近鄰。
照水已非前度影。和雲莫辨去時津。
嬾回素面朝天闕。罷舞霓裳對月輪。
五日清風三日雨。爲他洗淨軟紅塵。

得周號叔鐘歌次韓昌黎石鼓詩韻

銘功彝器古人重。樂縣在御工升歌入分改。
隸變倉頡。九千諷字存蕭何。茲鐘周餘出西虢。
如見禹鼎如見戈。輪囷壓載力難抱。青翠入骨誰能磨。
奇文可讀費講解。至寶偶獲非搜羅。昔聞西伯詢二虢。奉
峩眉士皆峨峨雞斯贖。罪入天府鳳羽表瑞來。巖阿鑄金

自。欲。子。孫。守。假。器。或。恐。神。靈。呵。周。公。尊。師。謚。可。考。有銘

惠叔字當卽

蕭叔之謚

史。籀。下。筆。體。不。訛。畫。沙。分。明。爪。落。隼。懸。

針。纖。瘦。文。成。蚪。年。深。列。虞。想。追。蠡。響。應。建。鼓。爭。鳴。鼉。

區。區。後。世。弃。車。輔。絲。絲。伐。國。尋。斧。柯。百。釣。重。器。土。埋。

質。千。年。往。事。機。投。梭。可。憐。古。樂。盡。弛。廢。誰。見。端。冕。來。

委。蛇。尸。臣。鼎。出。問。張。倣。幼。婦。題。後。傳。曹。娥。我。曾。訪。古。

入。函。谷。近。復。引。疾。歸。江。沱。家。徒。立。壁。似。司。馬。地。剩。片。

石。尋。光。和。

江南古物

惟。校。官。碑。埋。頭。故。紙。獨。局。戶。敗。興。歎。歲。仍。

催。科。眼。明。一。見。徑。須。購。手。拓。百。木。寧。嫌。多。有。情。曾。聞。

泣。金。翟。沒。字。空。復。嗟。銅。駝。知。音。幸。顧。聲。價。重。妙。製。豈。

任。烟。雲。過。攜。歸。宗。祐。世。永。寶。參。校。蟲。篆。朋。相。磋。升。堂。

似覩虹貫斗。渡水忽懼蛟興。波楚人得弓事偶爾。魯國取郜禮則頗投珠匪暗庶得所。挈瓶有智期靡作。魏絳無功尙忸怩。展禽別賡難嬪婀。土花未脫半漫滅。水墨不厭相接抄。從誰莛撞發清韻。令我才盡猶長哦。陳庭何必雌雄雉。出地偶復同雙鵠。有嚴在上翼在下。得純亡休福不邪。銘有云嚴在上翼在下又云得純亡休旅多福

琳琅金鑑日環列。布素茅屋忘坎輞。家珍薦廟抵圭瓊。神物在世光山河。人生如汝壽堅好。百年過半非蹉跎。

百節相招同石殿撰韞玉陳大守漢江余燕集制署令公子出拜賦呈一律

木天追步許題襟。江國開筵又盍簪。同向行臺看玉樹。
忽疑芳燕到瓊林。傅衣他日爭先甲。聽履中朝有嗣音。
星聚東南依北斗。好添佳話在棠陰。

畝園次集中游蔣山元韻

文物開來者。神靈肯惠然。拜同庚子日。會仿永和年。
鍾嶺尋游屐。秦淮記泊船。公集有泊舟金鑄金思少
伯題象替青蓮。公有題太白真詩 梁苑懷前度。署有此曾
吳宮借左偏。五畝園在舊吳王府東 猶龍歸上界。署有此曾
鵠下層窮福讓三生慧。廉陳一勺泉九州知誕日。千
古惜生天。手筆期同輩。心香結篆烟。高寒回望處。玉

字月娟娟。

贈張生

次許漕督兆椿韻

爭名何必向長安。湖海才高著眼看文舉再生應爾。
薦私超一到令公歡。翹材得似平津少行路休嗟鮑照難。
脫手新詩勞贈我。有人擊節欲傳觀。

花外山光柳下風扶輿處處得君同。飄零未必才空老。
漫滅何妨刺鮮通。問字踏殘庭雪白。論詩敲盡燭花紅。
休嫌仲蔚蓬蒿徑。自有高軒接鉅公。

江光一綫閣次姚比部

備韻

翠微一徑入雲斜。極目東南未有涯。江水白添連夜雨。
嶺梅紅似半天霞。何年蘭若迷陳井。謂在法寶寺

終古青山屬謝家，過眼韶光天愛惜。春寒留住十分花。

秋郊口占

未成村落兩三家，古樹霜寒立暮鴉。不信秋風最蕭瑟，蘆花起舞學楊花。

唐太守

仲冕

石殿撰

韞玉

先後假館五松園有

詩贈予次韻答之

未到縣車便乞身，抽簪猶惜鬢霜新。問奇不斷門前客，投轄常留坐上賓。小築數間同傅舍，一年幾度值花辰。故交多占夔龍席，贏得江湖與散人。

霜葉多時戀故林，雲羅何處網翔禽。眼看弱柳風流

在坐。蔭長松歲月深。庚信小園聊獨樂。杜陵廣廈負初心。落英芳草門前路。平世桃源任客尋。

一徑留莎滿客廳。幾人看竹問居停。已憑鍾阜爲圖障。直借青谿作釣汀。攬轡未酬宣室問。還山不負草堂靈狀元坊謂石琢堂與文翁室謂唐陶仙江左他時說。

聚星。

二頃何曾作遠謀。管巢應笑拙於鳩。圖書清閑蕭閒坐。花月春江爛漫游。賺我名同殘夢過。報君詩媿夜光投。到門一派春淮水。有約攜觴共拍浮。

五畝園落成口占十二首

小芍陂

芳陂浩千頃。一壑不嫌小。我無澤及民。灌園以終老。

蒹葭亭

露白葭蒼際。斯亭面碧濤。無人見高絜。一覽下波心。

留餘春館

婪尾紅初綻。成陰綠未齊。春光無限好。留地種酴醿。

廉卉堂

唐太守仲冕題額云辛未之歲淵如親察歸自東省宦橐蕭然不受屬城

償贍越數年人思樂易之德多寄土物因義以署其堂且勉後人無忘清白之傳

移來深色花。臣門忽如市。方媿載石人。空齋一卷詩。

枕流軒

松際濤聲遠。荷間露氣侵。尚嫌泉聒耳。止水照清襟。

窺園閣

五畝興公宅。三年董相書。黃金花色裏。櫻閣是仙居。
蔬香舍

拔葵篳俗吏。種菜惜英雄。我愛鹽醯味。歸應爲晚菘。
綠斐茨

就竹架南茨。臨流開北戶。遠客屢移牀。此君常共語。

映雪亭

臥閣三冬嬾。凌寒一卷開。花光兼雪月。併送夜明來。

鷗波舫

烟水橫窗遠。江湖入夢回。觀魚猶罷釣。鷗鳥莫相猜。

奧室

花好迎冬旭。衣須振俗塵。任教霜覆瓦。寒谷早回春。

嘯臺

四山如畫障。萬綠見橫枝。嵇阮無仙骨。蘇門獨往時。

冶城絜養集卷下

芳茂山人詩錄第十七

題羅山人

聘爲子寫昔夢圖十幘

含飴夜課

乾隆十八年癸酉歲九月甲寅余生於常
州郡城之觀子巷今劉氏宅也時家大人
以四月入都大母許太夫人故守節撫孤
及得孫愛憐特甚五歲入塾歸太夫人必
篝燈課讀母金夫人紡綸其側比家大人

歸已九齡矣

烏夜啼香袖樹兒抱書來塾師處阿母視兒衣老嫗
問兒飢兒就大母牽裾嬉大母勸兒書再續一錢買

豆十回。讀書聲。紡聲。燈一粟。鄰雞欲鳴。更漏促。父歸識父兒。九齡背誦文。選留賓聽。

山夕酬詩

歲乙未子始偕室人王夫人來句曲官署
屋前有喬松桐桂秋宵論史燈月淒清夫
人有詩云五更殘月欺燈影一樹風鴉續
鴈聲予訝其慘切遂成詩識

烟霏霏露暉暉月出桐柏光入幃幽人對吟病妨冷
柏子薰香桐渝茗開書瘦脫玉釧聲背莉慵垂翠鬟
影錦衾縣薄牛衣似酌酒屬君還論史王章之妻兒
女子何事干卿三歎起事見袁太史
枚所撰志銘

地肺尋碑

句曲學舍去茅山三十里會借錢少詹大
斯訪求古碣復與洪孝廉亮吉信宿山齋
中宵賭酒中峯或冬月解衣入蓬壺洞行
數里深不可測燭盡而出同人訝之

弱齡頗好道慕有龍仙芝勾金之壇間神仙所娛嬉
天風吹衣雲繞足洪厓拍肩同信宿宵攜酒檻上頂
峯冬脫裘裳入幽谷初成兄弟去不回越騎之穴迷
蒼苔山中寢相充隱耳不識梁武非仙才地肺玲瓏
似堂密我欲南穿洞庭出龍威祕符不可得洞口題
名土花餌

采石同舟

采石有絕壁大書珠聯璧合四字俗傳是

李白崔宗之醉月處歲丁酉予與洪君亮

吉客安徽學使幕中登黃山白嶽上天都
峯熟游青山白紵之間醒酒太白樓前而

返

我游皖公山直造天都峯萬松偃蓋石鑿空鋪海干
頃雲溶溶琴高溪淺魚可數入公山空鶴唳苦就中
秀異不可忘白紵青山熟游處江光接天一葉舟東
山月出同拍浮竹君學士文章伯想像高樓醉佳客
洪生當杯感陳迹我亦題詩臨絕壁江山如此不逢

人醉酒大呼李太白

漢宮訪古

歲戊戌至甲辰入關七載值畢中丞流開
翹才之館著述之暇與諸名士出遊曲江
樂遊原訪漢長安古城所得瓦當文字奇
古程上舍敦嘗鎔錫印沙釋錄成書流傳
海內

阿房一炬成焦土金銅仙人泣移處長安所遇故物
稀片瓦千年出荒圃秦宮蘭池漢未央蕭相手迹珍
琳琅宣和好古惜未見不與什襲千金裝漕渠斷絕
昆池塞惟見高原劫灰黑路人但拜蝦墓陵萬戶千

門豈能別。君不見銅雀瓦如沒字碑。臨春結綺餘陳泥。世人知寶宣德製。今所傳未央瓦如瓦形者明宣德時鴻臚魚目混珠吁可悲。

龍門題壁

癸卯歲北試下第自晉入秦偕仲弟星衡

登井陘歷三天門訪絳州石天尊象碧落文不得遂登龍門渡河之韓原仍至長安

節署

連山插天松挂壁。竟夕風飈蕩心魄。起登絕頂看黃流。雄雞一鳴日丸赤。循厓謁廟歎禹功。斧鑿何處施。神工馮夷都深數十里。萬丈蛟龍蟠水底。有時發蟄

一聲雷多少凡魚欲飛起渡河。展拜司馬墳。如我壯游。曾幾人。君不見天池鯤化搏風雲。濁河如帶難容身。

蓬島游仙

予以丁未科及第入玉堂校中祕書於西苑之文瀾閣旋以散館改官比部張檢討問陶贈予詩有云十二瓊樓無定所神仙何必住蓬萊

我昔飛步蓬萊。巔玉樓落筆驚人天。綠章一夕奏奇字。仙官不讀南華篇。剛風吹墮白雲裏。郎位哀烏冷如水。有時呼吸帝座通。謫來猶在天九重。銅頭鐵額

頑仙宅。偃月堂。開手堪炙。招之不來。月窟節。揮手爛醉。長安陌。浮雲蒼狗。倏變遷。我亦夢醒解釣。天青霄冥。冥黃鵠舉釣竿。東去迷烟霧。回視蜃樓小。一沤散。仙更有逃名處。

五臺省謁

乾隆五十七年

西巡之歲予以尚

書郎扈從時家大人官河曲令治道臺懷
省觀于清涼山麓自奉大母及母入都就
養不見家大人六年矣

長城北去山極天。千乘萬騎來騷。聞嶺巘無路。自終古人力。要令石戴土。山環谷轉如平野。鞅掌無時得

休暇征夫心動馬回頭遙見白雲親所舍循陔何日
歸採蘭翻累俯畜羅晨餐夜深去就壇帳宿起詠瓊
瑤照巖谷雪花如掌作陽春石隙桃林紅萬簇時月大三
滿山
雪桃花
琳官高下香烟生天清地曠山空明黃衣之僧占名勝白屋無地屯耕狀似閒北臺尤斗絕太古常留丈深雪我疑此處有仙眞可惜前人無轍迹

書堂問字

予始僦居琉璃廠橋之西宅前有大樹海內之士賞奇析疑者咸識其居也後移寓孫公園小拓室宇爲諸名士燕集之地每歲朝鮮使臣至必款門投刺朴卿齊家爲

子書問字堂額又大書崔儻語云不讀五千卷書毋得入此室

琉璃廠西青廠口塵闕圖書街尊卣十丈紅飛過客
塵一株綠認先生柳高冠褒服來叩門登堂畫字口
不言愛才異域且同志豈有文譽難林傳異書海舶
有時出不似大航留僞帙開成石刻贈殷勤要使薄
海尊經術興來落筆蛟螭翔五千卷室崔儻藏似聞
比歲朝天客猶訪當年問字堂

孔林觀禮

甲寅歲輯古文尚書馬鄭注成企想前哲
有執禮器西行之夢乙卯歲六月遂拜究

沂曹濟道之命展謁孔林得見公府所藏

宋元冠服及

御賜彝鼎良爲多幸

昔夢執禮器隨聖東山行。豈知奎婁字外補來建旌
升堂不覩丹書字。慤誠卻媿鍾離意。前朝袍笏舊留
遺。昭代鼎彝新拜。

賜草草三年政未成。再過

聖域心怦怦。微言欲絕後。生責手撰集語。酬神明。宋薛

據孔子集語簡略因別撰成書至嘉慶丙子歲刊成寄聖公慶鑄

題吳君文徵爲予畫江湖負米圖六幅

萬卷歸裝

嘉慶丁巳歲予丁母艱歸自涉上但攜故
書數十篋時值湖河合流渺漫數百里大

風。一。日。夜。從。舟。相。失。子。翼。母。柩。在。舟。舟。人。
惶。急。禱。祝。子。怒。曰。人。以。重。貲。獲。濟。我。乃。以。
書。遭。神。忌。不。畏。請。於。帝。耶。應。時。風。止。而。書。
在。他。舟。者。竟。沈。濕。或。云。聚。書。易。散。且。致。火。
患。此。可。壓。勝。矣。

行李蕭然歸泛濟數十簏書而已矣路人方笑使君
貧河伯忽然疑意昔前舟風引覆水涓後舟搖蕩不
可維千金欲奪子羽璧六丁不護灑岡碑一波未平
一波起江湖合處深無底大呼幾欲徇機輿萬里長
風應聲止歸來檢點空嗟吁卷帙散亂文模糊或言
藏書之家例遭劫此物落水長無虞君不見鬱林石

時苗犢廉吏翛然本無欲。人生者好盡爲累。萬卷歸
裝不知足。

巫門訪墓

吳將孫子

武墓在吳縣見劉昭注郡國志

引皇覽元盧熊府志謂在永昌鎮至吳郡

志失載後人遂不知其處嘉慶庚申歲冬

予偕董文學

國華

家茂才

延買舟訪墓至

巫門外地名雍倉得古冢有柏樹甚古土

人呼孫墩惜無碑識定之越七年乃建祠

虎丘東麓立碑塙象云

吾家吳將高絕倫功成不作霸國臣春秋三傳佚名

姓大冢却在吳東門。吳人耕種少閒地。訪墓雍倉一舟繫。鵞環惟見古柏存。徧覽平疇失碑記。傳家私印不可磨。及寸文云孫武私印方不閭間冢側祠魏峩武成王廟廢不舉。東南淫祀何其多。君不見烏喙之鄰。施聞謀內嬖。忽然消霸業。西施可惜入官遲。不付將軍教兵法。

青谿卜宅

予以丁巳歲歸南僑居金陵舊吳王府有古松五株因建祠祀明功臣燕山忠愍侯諱興祖侯故祀雞籠山功臣廟歲久傾圯今栗主附祀曹王廟至是始申明有司建

立專祠

古松五株何代遺。後映鍾阜前青谿。迤東傳是江總宅。吳王苑近烟波迷。卅年作宦徒立壁。垂橐仍爲白門客。戶多車轍似充隱。家近吳頭常泛宅。松濤聲起萬壑喧。石骨疊作羣山根。清池觀儻竹籠鶴。風月滿院看常新。主人再歸甘蠖伏。賣文得錢還潤屋。佳賓時至與懸榻。俗客若來從看竹碧玉水生新漲痕。黃金花放陽春暄。校書更上三層閣。載酒仍過五畝園。

園在右

禹穴探奇

歲庚申予主講浙東之戴山恭謁禹陵並

游吼山諸名勝考張晏注漢書稱禹陵上有孔穴則卽今陽明洞後人誤以廟爲陵明嘉靖間閩人鄭善夫妄指向西之隴爲立碣題識不經之甚予旣據太平寰宇記知窪石爲孫吳刻擬作記辨正之

我曾壯歲登龍門直過中年探禹穴中間作宦苦羈東日月眞如電光掣龍門壯哉比大文禹穴秀絕如詩人竭來謁廟有神助雨脚收盡開朝暾是日甚雨發岸忽晴陽明之洞臨絕壁正對香爐一峯碧游人不識孫皓碑誤向石船呼窪石今所傳窪石文字如天發神識碑據太平寰宇記考爲孫吳時會稽之刻久失真梅梁改易新榜時正廟閩人題修廟

碣最誣固。青鳥之說遷古墳。向平好游尋宿諾。杖策
更須窮五岳。君不見虞巡那得至衡山。我欲題名上
南霍。唐虞時南岳霍山在今安徽省尚書大傳諸書皆云然今以衡山當之太遠

延陵話舊

予與同里諸子交洪編修亮吉蹤跡尤密

嘗以詩贈予云偶讀開成大傳詩七年我亦長微之又云神仙共挂蓬萊籍風月閒吟楊柳枝其後竟同入翰林比戊辰歲從

讌之樂

青山莊廢花石移。白雲渡近烟波迷。素交重訪半爲

鬼黃壚

一醉曾如泥

生平畢竟懷知已

故土風光冷

無比蔣公

蔣侍御和寧

三徑罷開筵

楊子

楊大

令倫元亭空故

阤魯靈光有老

探花

趙觀察翼

論詩勘史逢人誇

仙姝夜

醉劉晨

劉中贊種之

食譜朝尋朱亥

今中丞朱方伯勲

家翰林

仙人狂欲絕

洪編亮吉

自把孫洪比元白五雲同看

御園

花萬里獨踏天山雪近來所遇多後生相逢

不識空知名

西州再過有餘慟

東山中歲難陶情老

去頻思釣游處

晨星舊侶驚重遇

莊周

莊刺史浙

曾夢胡

媯回趙壹

趙司馬懷王

漫嗟窮鳥賦

湖樓詁經

阮中丞

元

既延予主講浙東復建詁經精

舍於孤山之北集諸生之高才者講學其中屬王少寇祖偕子迭主授經之席精舍前有第一樓當湖山勝處予以鄭氏集經訓之大成許叔重存三代之古字議立主祀之

第一樓頭撰經詁正對湖山最佳處中丞開閣思翹材招我來游浙西路櫺旁許鄭新建祠壓倒白蘇空賦詩湖光欲入子雲室山翠自擁江都帷淵原更溯朱公叔先是朱文正提學浙江多識故古學之士海內傳衣盡名宿萬聞常莊士歡顏五色不迷文過目幾時華屋悲山邱王通王少寇之子近又下世示疾還歸休中丞移節阮中丞旋改京職我隨

牒癸亥年赴
今撫東省山翠湖光空滿樓。寄書碧洛青嵩去。丞中州
子近主襄病憐子北山住。講鍾山堂前問字少人過。自

檢圖書理殘蠹。

題吳君文徵爲予畫海岱舉帷圖十幀

東緝訪古

漢平狄將軍朱鮪石室在金鄉城北有畫象奇古子官沛上每歲防河曹單過此摩挲故刻搨本藏之後爲黃流所漫舊迹都湮矣嘉祥又有新出武氏祠畫象及肥城郭巨石室皆與黃司馬易親至其地

扶溝侯墓漢石室畫象猶留古人迹黃丞好事導我

游武氏祠碑更新出我來行部攜桑經詢訪古跡驂
常停車前入騶豈足摹碑下七日難忘情篋中墨本
神明煥再來已值黃流漫千年邱隴道旁迷咫尺滄
桑眼中換君不見桓魋石椁誰與題南山雖錮無人
知昭陵發後闢亭出翻作佳話千秋垂

南樓御扇

兗郡南樓爲杜子美趨庭之地乾隆乙卯
歲之官明年爲族妹與吳孝廉鼐成昏於
使署妹貧隨叔父流轉至都幾爲貴人簉
子擇才士許嫁焉大母愛其姿質收養之
如親出吳時方北試越五年入翰林

南樓雪霽月挂空，梅花翠羽熙春融。
華堂屏開感婚夕，畫戟四照明。
燈紅鳳皇樓峻遲，回久婿鄉含有神。
仙偶不是相攸，溫嶠才可憐。
幾似韓憑婦，我知季重殊常倫。
早年下筆驚淵雲，催妝詩寫簪花格。
織錦校投綵玉文，匆匆又值春官試。
太白樓前送征騎，將離花下別中閨。
遠志舊回仍下第，記取盧儲一日知。
杏園春信未嫌遲，爭傳北闕凌雲賦。
莫忘南樓卻扇時，單父塞河

乾隆丙辰歲六月河流漫溢豐縣決口單父河隄亦壞予偕康廉使基田建議隄塞築壩長數里遏絕大溜三日夜功成費銀

三萬兩復立重隄。格隄單邑河患自此不作。自經河決未有遏止者。大府以下游江南潰決未及

上聞

康熙

使記其事云

東單縣北岸黑龍潭夜間猝遇大水漫隄

下注決口二十六丈外灘低河身三丈餘水奔騰直注濤聲雷轟聞數里外時基田

與充沂孫觀察星衍防河決口水深不能

施工乃從河灘水淺處圍築月隄長四里餘盛夏舊稻料用完新稻未登場乃伐近地柳枝買民人麥稻剛柔相間用土追壓

從西首鋪進收至東隄三晝夜鋪竣河水

不得進決口斷流轉敗爲功

東南比歲黃流溢疑有陰權蔽天日豐工已見大隄開單父懸流亦遄疾黎明東望黑霧屯倏忽破岸同崩淪青疇已隨鮫室沒赤子盡戴魚頭奔東方廉使

王尊似偕我行河到河汎直憑身手障狂瀾並少蘆
灰止淫水芻茭未積勞輸將負薪擔土同奔忙填淤
淺處到深水擁遏兩岸臨中央地輒如山萬夫下虹
梁欲叱龍鼉駕滄海爲田只片時黃金與土真同價
眼看轉敗還成功古來趨事須和衷君不見裕金虛
糜七百萬隄塞不就嗟曹工曹工合龍卒不成明年河南決溢乃得築隄時謂打乾

泰山祈雪

東省無冬雪明年多蝗蝻之患予權臬時
以丁巳歲二月禱雪泰山及罷任回兗州
道經山麓時已三月一夕得大雪疑有神

應云

我從歷下歸東魯。龜山蔽天手無斧。一冬無雪蝗孽
生。記禱靈山謁神宇。泰山初登高不危。如人大度無
町畦。山長谷迥地勢闊。雖有邱壑非險巇。漸轉還如
蟻行磨。一石千人萬人坐。石坡誰刻釋氏文。欲使谿
流誦聲過一重。一掩路折紆入峽似入壺。公壺豁然
開朗見天日。疑出人世遊仙都。石梁臨潭倚絕壁。瀑
布飛來徑途絕。回頭却認琴筑聲空谷滴泉鳴石穴。
萬松對面隔一山。蛟龍動影雲霄間。南天門高高幾
許。輿夫蟹行馬蹄苦。金泥玉檢竟沉埋。沒字碑橫最
高處。再來山下空攀帷。雪花一夕凌春來。隔年祈澤

若有應。信我。人忌蒙神知。看山憶舊。匆匆去。回望齊。
山在烟霧。莫教潔白。太分明。半壓黃塵。半遮樹。

曹南樹碑

歲丙辰行河至曹縣訪得湯陵在景山卽
皇覽稱漢御史御長卿所見濟陰湯冢也。
後世誤在榮河旣移咨山西謝方伯敬昆

辨正其事因議贊修廟越八年復以參藩
莅東而充沂魏觀察成窻已爲置祭田修
整祠宇予爲立碑又嘗親訪魚臺伏羲陵
今亦誤祀陳州惜未請之于朝釐正祀

典

沛陰薄縣殷王畿河流橫隔故迹迷漢臣行河得湯
冢。柴河之祀真傳疑我來芟舍曹南憩偏覽川原求
古記微鄉微子難識已氏伊尹墓荒景山陵亦如平地
手題貞石爲勒名恍有夢寐通神明魏君後至幸同
志爲置祀產修軒楹君不見伏羲陵在鳧山麓宋刻
元碑尚堪讀豈知今亦祀陳州祀典誰釐望笛軸

鄒平立祀

水經注載伏生墓在東朝陽卽今鄒平之
冢子權臬東省以伏生傳書在秦漢絕續
之際議爲建立博士訪其後裔宗譜申上
之竟荷俞旨有漢一代之儒始有列于

世家者惜爲鄭康成請立竟格于部議云

正

伏生之書藏屋簷。晁錯寫時幾朽折。當時或使女授簡。豈有經文口傳說。承家理湛俱通經。千秋冢墓留鄒平。聖門子賤本華胄。見顏氏家訓東州不鬪馳賢聲。元明耳食未聞道。經義猶循安石造。南宋諸儒注經多用王安石新義濂洛關閩博士多漢儒。未食傳經報。我來權臬始發端撫教後裔屬長官。竟申政府荷愈旨得有世

祿傳淵原。十年更撰尚書疏。先哲還從夢中遇。尚嫌科斗變。今文改後先。秦求訓詁。子撰尚書今古文注疏多用漢魏已前說礦阜吹沙漸欲平。遙瞻高密不勝情。禮官不問有培柳。東省近立有子博士其譜載有培柳有培梅外臺爲漢時有此後裔並無出興容臺竟未驗斥外臺

誰奏鄭康成。

濮陽芟舍

嘉慶癸亥歲嘉平月再至東省奉檄補賑

曹南一路涉歷冰雪兩月魏觀察成窩贈

詩云羲陵湯冢考原真行鄙重來鴈澤春
別有蒼生迎馬首揭碑人與賣書人蓋戲

之也

我從沛上至濮陽跋涉原隰凌冰霜鳩形鵠面繞車輶升斗未徧無餘糧頻年買穀無長計東省穀貴常補賑多折色不敷穀價倉囷空虛折錢幣可憐滿把不充飢誰省災黎更憔悴我從補賑聊從寬明知多弊穀實難

中臺求絕胥吏費外省祇增供張繁君不見汲長孺
河內發粟不取旨又不見劉思立請廢賑簿停詔使
魏君作札還相狎譏我沿途購書帖虛名或恐誤蒼
生善政誰知困成法

臨河訪古

博平有鳴犢河故道地與齊趙分界卽孔子臨河不渡處也自河漫濟犢入海通流至此予以甲子歲春之安德任經過其地有句云河水又通鳴犢口春江不作狎鷗人時兼攝登萊道又有句云三篋古書隨後乘一雙金印在前驅

猶水揚沙壞舟楫。臨河昔畏波濤急。千年水徙鳴。擅
涖幾時。又見奔流入博平境。小齊趙分我行至此思。
古人宣尼憂患尚不免。宜我坐席無時溫。頻年南北
東西走。擣檄裁沾祿升斗。勞薪愁過漢金隄。泛梗搖
榆齊土偶。移文慚媿出山阿。北上租船又納禾。未信
澄清由攬轡。可能撫字緩催科。

衛水浮碑

旣官安德之明年有告衛河第三屯出有
古碑往視爲北魏營州刺史高貞碑中有
載卡字不可識予審卡卽弄字因爲移置
州學高氏族葬在此先出有高湛高植兩

碑湛碑楷法工致藏安德封氏

高家兄弟。椒房戚。大冢難防水衝擊。馮夷知我好古碑。夜半浮出長河湄。畊眠見此驚告我。往視如獲瑤瓊瑰。碑中奇字頗難識。賴我能通六書說文。初憂楷帶分隸石。幸埋沙未刲。缺千夫邪許移入城。橫舍立處高崕。巒流傳墨本。徧寰宇考史共記高貞名。八年濟北燕南住。善政應慙須來暮。後人或比峴山碑憶我摩娑不能去。

潞河訪廟

予每歲轉運北上。泊舟潞河之側。通州元已前無城。自予十五世從祖故明功臣燕

山忠愍侯興祖始築城鎮守舊有勅建廟祀配享常開平王後改關廟方志載有正統時王植碑記今不可見矣

我遊河湖先訪古每歲維舟潞河汎河西元代未築城燕山征虜於此停侯爲常開平王副征虜大將軍金湯保障民戴德廟食曾配常開平可憐故址難重識斗母宮還委榛棘方志云廟即斗母官舊城尋徧東南隅不見殘碑署王植于雞鳴山塑功臣像時惟公生存明祖建功臣廟金陵亦祀明功臣惟侯肖像猶生存

臣像時惟公生存因虛其位今功臣木主寄曹王彬王廟象不可見五松祠祀忠愍侯在舊府誤王府申詳有司咨題他時或仗子孫賢廢祀通

州再興舉

題吳君文徵爲予畫厯下旬宣圖四幘

明湖餞別

嘉慶丁卯歲夏六月權藩至厯下與石廉

使

樞玉

交替偕周通守

世錦

周大令

萬蔣

少府

因培

餞別於惠泉寺

寺臨大明湖在

厯下亭之東山光水色殊爲勝境各爲詩

紀事云

厯城滿地伏沸泉。大明湖在城中間。鵲華照影秀。欲絕蘆蒲拂浪鳴。翛然行厨草草非難致。半日開筵坐蕭寺。地勝看山憶故山。心清省事如無事。曼卿天人。

謫世間。判筆不抵民情奸。藩條一攬等失馬蓬島再入同。登仙周郎清興蔣生筆。且共尊前會真率。陳君且莫問三空。京兆只宜留五日。

龍洞探奇

去厯城四十里有龍洞石壁奇絕或如累甌或類削成方秋霜林紅翠若錦屏徑窅深泉流作琴筑聲又十里餘爲佛峪多六朝刻象古洞有隨唐人墨蹟題字予凡三至其處所見關洛江浙名山無過之者我游龍洞驚奇絕畫不成圖口難說名山踏徧孰比方仙境入來疑隔別初循仄徑如桃源石上瀲瀲鳴

清泉前山引勝後山阻。千回百折依螺旋。是時十月
楓林赤。花錦屏開照空碧。側厓銜日半規紅。絕頂留
雲一層白。萬山斧鑿痕。從橫一石壁。立由天成。或如
削方。或重甗岌岌。欲墜風雷聲。緣山有穴。人復出。倏
見飛仙上空闊。遙看老鵠避峯巔。誰置浮屠臨木末。
前頭更有佛峪深。隨唐題字重搜尋。橫空結屋玉京
闕。沿路飛瀑瑤琴音。生平苦戀山水窟。三宿難留意。
超忽茲游猶恨未懸車。我欲移山向吳越。

安德行河

漢屯氏河卽今衛水其支流北通王莽河
經德州至海豐鹽山入海歲久淤塞臨清

上游漳流漲發汶水低弱輒閉閘以防挾沙淤運糧艘不得出口謂之壠口自予建議重浚恩縣四女祠支河洩流入海壠口之患遂絕直省靜海一帶隄岸亦不至決溢時以權蔣巡工安德

禹河故迹屯氏存支流迤東經鬲津燕齊錯壤水利廢近海畧見溝通痕老黃河身今占種民力難資官屢空四女祠前舊道湮臨清澗外新沙擁衛流高處汶流低濁漳合之五斗泥挑沙放閘豈長策糧船不出丁嗟咨我來議後申前詔故大學士劉文正統勅昔奉旨會直隸東省澣水先從下游導萬夫合作不經旬千

艘過行奏成效。前年度地雪盈尺。今年巡工雨沾犧。
不辭櫛沐至再三。況復旬宣有專責。君不見趙王河
我曾議浚謀孔多。消疏濟運究何日。一雨步上積澗
傷田禾。澗上趙王河久澇每夏雨潦淹浸
田禾且待以濟運屢議浚不果

賓興得士

丁卯科鄉試得士有文登畢君

以田

經學

無雙舉故與子舊交負重名久困場屋姚
殿撰文田以對策賞拔之予時權藩主鹿

鳴之宴以爲佳話

大羅天上几筵張萬條紅燭相輝光龍迎雷擁聽名
姓慈珠仙籍鋪中央。一聲堂上都傾耳莫省裴頭與

黃尾孤寒平。地竟飛騰。聞呼畢。卓真名士。我希開閣
平津風。稷下髦士來追從。春花雖多。秋實少。百樹期
收一穫。功元之拾。才有神識。倒海求珠。山剖壁。目迷
不失李華文。心賞獨有劉蕡策。明朝桂苑歌霓裳。星
攢多士雲。龍翔座中。方伯喜欲狂。吾道東矣。生升堂。
得兮中義仲
省文所作已白紀伯
省文鐘次蘇文忠石鼓

歌韻作詩紀之

陶唐推律正建丑。磬擊后夔瑟瞽叟。見呂氏春秋笙鏞閒
作和人神金石詣聲感飛走。五鐘見尚書大傳難覩失先
型。二典猶傳在人口。周家考工重稽古。羲氏世官宜
有。後省文兮中義仲同銘字庚庚得三九。錄云兮中作大英鐘

其用追孝于皇考已自用佩喜前
枝人子孫永寶用享凡廿七字前追史籀失斯喜。

後壓逸隸輕顏柳推求銳舞合古度夾鐘辰應卯值
斗購之不惜金滿籯餉我還同印懸肘平生耆古比
昌歎貞贊從誰別苗葵或疑已白卽紀侯大去國心
存孝友春秋繁露玉英第四齊將復讐紀侯自知力
不加而志距之故謂其弟曰我宗廟之主不可
以不死也汝以斷往服罪於齊請以立五廟使我
先君歲時有所依歸率一國之衆以衛九世之主襄
公逐之不去求之弗得上下同心而俱死之故謂之大去全宗季弟遺微子舒難
賢臣無闕穀金壺注誠慎駕馬鐵畫遺文見科蚪文
人追孝用侃喜子孫永寶祈胡考世襄宗器詎長保
鄭國寵嘗晉嬖喉當時神物避兵燹出土奇珍奪尊
卣邨夫野老不識丁熟視離婁等驟瞍強尋韻字作

皇辟僞造禹迹迷岣嶁。我營居室先宗祧。追遠猶慚
德歸厚。千年至寶人鬼歆。再拜陳辭嗣孫某。銅山金
穴豈足恃。過眼烟雲化鳥有。不須什襲飾。金玉亟與
特懸求榜杻。楊雄博物習雕蟲。宣聖考文窮畫狗。見說文通來解組作寓公已免漂梗思土偶抱之肥遁老
空谷藉校古書期皓首。露盤金狄本漫字。偷父遇之
從折培戶臣官邑。張敞釋郡國鼎彝淡長取光浮紅
翠欲成虹質帶泥沙。先刮垢升堂便作分器陳。傳世
方期挈瓶守施諸猛虞震趙越。細認追蠡未消朽吾
翁瞿鑠近九旬進爵摩挲白眉壽。

張君開福從海濱得吳天紀甄贈予卽次來詩

韻答之

聽雨愁風臥病時。經旬不出董生帷。
蓬君楚尾傾程蓋。餉我哭輶勝蜀師。
亦輶名或云工人蜀氏兩世交看陳紀在。
子與君父燕昌相識百城書守晏嬰遺六朝古迹期同訪一路春花趁好姿。

治城遺集一卷

芳茂山人詩錄第八

題溫忠烈公

璜

遺象

孝非絕裾忠同銜須繫母之訓爲臣之模國亡家亡
光光司李血書千言脫屣妻子易名奕祺詒謀一經
無忘清白尚有典型

蘇文忠公壽誕詩在西安畢督部

沅署中作

公昔手題太白真我亦題詩爲公壽乾坤茫茫替人
在各有浮名挂星斗河間開府雄文章爲公生日羅
清觴滿堂賓從盡賢士就中有客如公狂公神猶龍
去天際畫手思公會公意闊達修眉一尺頭胸中尚
鬱如虹氣吟詩作賦亦偶然有時彈冠復挂冠生

不負范滂傳恥與俗士相周旋秦中舊是公官處八
觀蕭條散風雨東湖一片月如煙披髮騎鯨倘重遇
我家陽羨公所棲慷慨自賦除年詩江文通筆竟誰
授紀少瑜夢疑吾私生年三十弄鉛槧不及秦黃媿
生晚詩成一笑公可聞復恐來者思今人

試香

辟寒簾底漸氤氳石葉拈來取次焚銀燭暗隨灰一
寸繡衾虛借暖三分離愁似爾都成縷幽夢從他欲
化雲曾爲如蘭人坐對錦裯幾日罷重薰

對月

隔簾當戶最含情半掩燈明半鏡明一度落如人小

別暫時圓比夢難成空階霜葉時成響虛牖風琴目
作聲惆悵尊前邀不得關山如此又孤行

六哀詩

黃仲則少府

我識黃郎最少年典裘一賦正翩翩花裁金骨須輸
俊鶴比天姿合遜妍尙訣巨卿真死友予在安邑遇君病甚劇
不辭阿婆竟神仙方城一尉猶難得君時尙可有科第

名到九泉

馮康齋廉訪

升沈官位憶馮唐識徧長安賣賦郎同輩方子雲汪容甫洪稚存楊
蓉裳諸君皆君所識獨好著書逢客諱自耽名教愛人狂武昌

魚好廉寧食安邑肝多惠豈忘

君前攝當州太守

何處遺孤

啼素舸恐無琴鶴換歸裝

朱岷源學博

少日逢誰眼最青句容博士老明經袖中詩去琅琅

誦座右書來字字銘別後豈知年在已死前空想室

添丁

君詩有野客年衰慚算亥空庭花發望添丁之向竟以死後得蹊

傷心兩度滌

陽過腹痛何曾莫緣醞

程魚門太史

來是單車去一棺秦關西望恨漫漫遺書避債臺中

著斂骨翹材館裏看

太史卒在弇山中丞前署

死有孝標能念昉

謂中丞

生憂僕射不憐韓子時在中丞幕府太史贈詩

丞有只有奇章愛牧之逾于僕

射重昌
黎之語誰將伐木篇章廢重友如君自古難

朱竹君學士

翰林學士本天才不及相逢把酒盃八百孤寒連夜

接千秋四部一言開生前題柱心傾寄學士未識予

學劉蕡君輩定麗詞庾信早年成逾月下世死後登堂雪涕來

予以癸卯入都識令子少白因入他日鴻都聞更奏好焚邕篆請泉臺

前奏請刻石經曾荷旨頃弇山中丞亦擬有此奏溫

查儉堂撫軍

平泉公燕集羣賢予以弇山中丞坐上識公會識靈光尚巋然韻

字至今留篋底是日以竹柏之懷分韻風流從此散

筵前思量孤負遊山約公曾約作衡岳之遊不忍重題卜硯篇

公屬作宋謝枋得下
卦現詩竟亦不就惆悵愛才非昔日平津閣外幾

人傳

游隨園贈袁太史七首

五年客夢此山中重過名園話不窮惟有先生與開

府

謂畢中丞

相逢教吐氣如虹

小隱

金陵卽謝墩

春游長日任紅羃桃花十里人家

種欲擁

詩仙上綵雲

山泉流漲入方塘二徑新開竹數行孔雀窺人金絡
底似知來客有文章

一重雲影一重花金粉成圍住紫霞幾代清涼輸六
代又教山色弄繁華

等身詩卷著初成絕地天通寫性靈我媿千秋無第
一避公才筆去研經

赤城桃樹倚雲栽越嶠梅花逐蝶來天與遊山人鬪
豔宗之顏色謫仙才先生攜霞裳遊天台羅浮而歸

愛士人猶似昔時劉义多謝世人嗤却懷知已生平
語無復才奇氣尙奇先生始見于詩有奇才之目云天下清才多奇才少也

偶成

城南壯士始囊戈思婦家家望月波醉入長安市樓
卧箭瘢如掌賭誰多

晃朗寒空卷甲光戌樓沙薄月荒黃班生二十空奇
表只夢穹廬伴國殤

酒後步月

捲地寒光起，積烟遠。山如夢，失平田。稍看白霧繁，天
末便有空江落。眼前星影碎，傾霜樹裏。遠風冷，斷碧
雲邊。酒腸詩思清，如許不信茲遊骨未仙。

二月花

二月花，二十人。花枝一，生人一。春春風紙錢滿新陌。
不見花墳積三尺。花枝看客常白頭。頭白誰遇花時休。
烏程千石作花壽黃金百斤繫君肘。君行忘死花忽生。
與汝衰髮移芳齡。松生千年自伐性紅槿。逢君傲君盛枯香殘萼無驚吹。勸君且復開雙眉。前身只逐東風去。却換紅顏入世來。

花開

一花才開一花落門外車聲殯聲續王堂美人讀道書不放春色窺幽居游絲初明日絲細自愛清寒服朝氣古梁蟄燕亦避春入室靜對爐烟溫春風百萬花舞骨獨遼梅魂歛香雪

清明

棠梨低飛雜蝴蝶白袂紅顏上墳立酒香百滴持勑君漠漠土花澆不入古原日晚游人多鴛裙鳳帶相經過可憐異體隔哀樂蜀魄自泣金鶯歌江雲蕭騷欲飛雨一去西郊一南浦居人淚盡不復來月黑空呼鬼鄰語

寒食出游

驚鶯行挖大堤暖獨燕背花飛自遠城南書客來覓
愁步屨只在林塘幽墳頭蠻蝶逐人出却認生人作
枯骨花閒有樓空數層殘絲昧日愁孤登麥苗低迷
柏濃膩綠雲如烟染天地原頭春早花落多二月踏
盡如春何花爲顏草爲鬢華年無多天亦吝一月春
歸去年閏

題吹簫引鳳圖

披圖真見鳳皇臺憶得仙游訪古回秦女鳳臺故跡在盤屋仙游潭
傳昔在開中到此惆悵長安西望遠秦雲猶爲故人來
林巒澹淹秋光淺臺殿高低月影深此夕參差爲誰

思只餘紫鳳是知音

愁夜

卷簾唯挂枝敗戶或垂蘿苔積蟲多思牆傾月易過
腕消驚釧落影瘦覺鬟多頻書彈淚粉對茗拂愁蛾
慚同相秦別各染茂陵疴擁翅雞无響心長奈夜何

題繩旃伯父畫

伯父官遷日重逢在 帝京山川子役苦琴鶴舉

家清多別衣塵滿相看鬢雪輕畫圖傳本色仍是一

書生

梓柯家萬里幾載別江湖滿縣花無恙隨身鳳有鸕
閒情工染翰上考謝崔租何日東籬菊歸山醉百壺

口占送萬大令

應馨

之官仁化

領南令尹今才子謁 帝承明結綬新此去好成
清白吏別來休憶軟紅塵酒傾岐路醒千日花惹離
愁過一春桃李他時栽滿縣瓊樓須念忍寒人

闋題

長年渾一夕知爾慣孤宿如何隻棲客眼冷睇空綠
波搖想前袂嶺動疑轉轂纖暉不盈天一羽自肅肅
幽疴斷香縷苦淚并尊涼塵網暗不收接螢上幕幅
孤肩耐風露病息驚在屋曉色何勞勞懸星似魚目

新開河放棹東章觀察

竹里途中憶六朝新渠一例潤肥磈鄰都水好誰能

用賈魯功多怨自銷禾黍高低人故閭谿山回互客
乘潮清淮聞道須重濬慮始人誰嗣鄭僑

仙游潭口占

穆駿曾傳過藥池隨家行殿圮何時多年事往雲仍
在終古巖深客未知木杓欲橫人境斷石形疑借鬼
工奇風流我笑鬚蘇怯題字重來却讓誰

臘八日出遊贈莊明府

忻

山光向曉雜陰晴柳色知春解送迎臘八日從遊蹟
記三千里放客愁輕幾人影共征鴻亂半嶺雲添積
雪明拈得新詩報賢宰年豐村落有懽聲

口占贈莊公子

達吉

青山絲竹紅樓夢起爲蒼生却未遲官若限年應更
好似君樂過少年時

瓊樓

瓊樓隔青漢美人如飛仙開戶月澤迷折花埽流烟
邃心飄空濛裏裏不得省應有露脚來秋衣一時冷
殘愁

殘愁裏裏中孤眠門外流魂墮曉烟小閣一層天萬
里不知春綠到誰邊

梅莊訪陳華南郡丞其地本韓蘄王宅

桑柘千畦擁一村霍山半面對層軒詩人不爲鱸魚
去三泖春波直到門

清風遺閣挂藤蘿想見看山也枕戈不是斬王行樂
地荒涼臺榭本無多

濃翠交窗惜不搖繁紅經雨落成堆牡丹到此難矜
貴只共山花一樣開

爲我招邀客到時簷花聲裏坐論詩桃源草草留賓
日那得知音共酒卮

題羅小峯梅花冊二首

想見江南幾樹斜瓣香絕伎屬君家神仙未必都寒
儉寫出冰天爛漫花

放膽文章筆有神圖中象外勢橫陳梅花若冇勻顏
色禮李天桃不占春

玉蘭

迎春開趁早，春時粉膩香溫玉。斲姿容易階庭長，得見人從天上望瓊枝。

牡丹

濃香豔質自天然，裁入樓臺望若仙。應笑東君相識晚，不教開占百花先。

菊花

傳延年是神仙，侶瘦骨疎香好。自持珍重花開金粟後，歲寒留取傲霜枝。

月季花

已共寒梅留晚節，也隨桃李鬪濃葩。才人相見都相似，

賞天下風流是此花

宋人有天下風流月季花之句

1

題梁匠誨孝廉接

接山

草堂

卷之三

川子
父廟

任生

蠻烟埽黛雲巖碧玉麟踏空曉無迹畫綃回首古群
舸一笈編蒲誦青白喬柯留蔭威遠樓郎君下筆相
如愁試飛尺檄諭父老八騶訪舊天南頭

題金月湄舅氏解鈴圖

短衣長鉞碧山隅手弄金鉢捋虎鬚自繫不妨還自解目中原未有於菟

詩豪酒俠見天真翻笑城南射虎人我愧巡方無異政披圖空想獸能馴

針魚觜望對江翠蘿諸山

江豚翻波早潮突獨鶴飛遲覺天闊收帆上岸客始驚却視一舟輕欲沒山頭曉寒收斷霞樹影細碧如籠紗狂風吹衣不得渡隔岸青山謫僊如

闕題

素浪疑衝桂殿開仙舟疑犯析津回騎鯨客去東山冷此樂千秋待我來

伍詒堂索題南山圖乃王麓臺爲其先世張太夫人作

畫臨北苑留真蹟坐對南山作壽杯想見絳紗慈範在一縑傳世抵瓊瑰

移家金陵卽事

自看雙鶴掩柴關
靜看浮雲出岫還
不問蒼生不攜妓
謝公直是爲青山

綠楊風引到山家
拄杖尋幽日又斜
滿地繁紅正零亂
牡丹不放十分花

經時無術惜才疏
檢點空樓一寸書
北去心情渾不定
刀魚放下憶時魚

翠微深處列華筵
碧漲生時蕩畫船
孤負水衡貲十萬
歸來儘用賣文錢

遊攝山次江總遊棲霞寺及虎穴寺韻

茲山吳楚望古跡
宋齊肇小別四載前
重來三月杪
騰身入巖勁飛步
出林表歷劫幾樹存
寺有六朝銀杏
排空

萬松小捨宅今尙存題名古逾少

天開巖有唐沈傳
師題名徧覓不得

惟佛龕內有宋
胡瓶玉霑題字繁華及春餘濃香發清曉紅或錦纈

然白疑月華皎

丹正放時繡球牡丹

谿香闊靈藥山靜辨鳴鳥

未窮絕頂遊猶望空烟裊吾衰取適志勇退豈云矯

幸遇名僧談

僧默然冒氏巢
民之後能詩

無嫌俗人擾

入谷亦不深能使世慮捐殘春去何駛滿地驚飛鱗

瞻眺故鄉近定省歸思懸愛此無心雲舒卷東南天

山迴隔林薄逕轉通人烟蔬香勝肉食茗酌非貪泉

伐木尙求友宿桑隣棲禪大還乏仙術小隱逢堯年

題家頤谷侍御深柳勘書圖

早投簪紱老烟霞絕業名山願正賒自欲讀書求甚

解不妨種柳似陶家

疏通經義証康成作賦寧矜擲地聲天與吾家難王
肅叔然死後替人生

掩淚遺文手一編門前烟柳故依然鑿楹不負書千
卷欲向同時著述傳

題紅蕙圖

一種幽芳遇賞音數花絕艷邈難尋孤根有日辭空
谷看取丹心換素心

汪紫珊西園餞別圖

鶯啼花發節暄妍重向邗溝泊畫船風景西園都似
舊再來秋柳又飛絲

已別延陵又送君驪歌岐路不堪聞深情千尺春江
水可抵紅橋月二分

文壇詩國鬪名流日近長安是壯遊十載交朋易星
散酒壚重過不勝愁

宮閣新吟絕妙詞折梅他日寄遙思知君定有鱸魚
夢我東南理釣絲

題陳進士凝齋道遺影次姚太史韻

國士思模范儒林想鑄顏紀羣傳世澤濂洛在人間
子舍終身慕書城百堵環詔條徵別集琴德仰高山
義舉折榮獨清風化懦頑盱江樓隱處叢桂幾時攀

題甘夢六桐陰小築圖

炎曠滿地紅桐影接天碧中有展書人歌聲出金石
書卷三千富桐陰百尺高孫枝看出屋雛鳳亦凌霄
君築青谿陽我居北山麓朝爽共披襟歸雲過飛閣
嘉樹真堪譽清尊閒日開羊求蹤不斷論古訪君來

黃梅次韻

密綴枝頭半展時才過小雪是花期先春正色霜難
壓晚歲寒香菊未知落葉有情同抱樹夕陽無限在
高枝兩行金粉平分處却笑江梅破萼遲
檀心靜裏有香傳粧點暉黃水國天半面玉顏疑對
酒前身金粟不棲禪眉間相映姿長好燭畔將融質
更妍千樹花光圍白屋抵他宮闈住神仙

題靜坐圖

蕭然襟抱欲凌雲不用移牀遠俗塵江左士修耆舊傳斗南家有再來人此時木落真吾見到處風生四座春我正耽閒遊物外相看偏愛葛天民

次韻贈張船山

避俗君能戒獨清浮家我亦學逃名但令人愛陶元亮未必途窮阮步兵中酒好忘經世志著書聊遣暮年情長安令僕多才俊不用牛衣問仲卿

慶方伯以其尊甫尹文端公遺象及袁簡齋王夢樓象合裝成冊又自寫小象并寫張船山及予豫彙爲一冊屬詩紀之

傳衣箇箇喜聞詩繡佛人人願買絲雅集西園曾作
記風流東閣許重窺三朝共寫耆英會半面真成曠
世知鐘鼎山林各千古後人須恨不同時

題六梅閣詩冊

自結吾廬傍虎邱何曾鄧尉放扁舟摩挲尺幅梅千
樹五月披裘作卧遊

闕題

綠蟻頻斟座上清青萍時聽匣中鳴浮雲只似人間
世學道心平事亦平

何日扁舟訪戴行數峯江上引詩情開械更捧家珍
重一卷兵書抵百城

題吳思亭禪趣圖

得道應須慧業坐忘本自儒家不用攢眉入社未妨
微笑拈花

佳士寫真非易名山絕業長存有客香薰曾鞏抵他
絲繡平原

題嚴小秋憶秋圖

吟煞江南杜牧之蕭蕭暮雨倚聳遲山秋色清如
許更寫先生返棹時

古詩

富貴有不如貧賤安足恥向長所未知死何如生耳
我知倦思睡所惡擾之起恬然就衾枕冥漠如小死

耄期慕休息大卧同一理釋氏想更生神仙有蛻委
其於來去間戀戀不能已聖人見其大凡物有終始
精神留著作形質付孫子况有廟食人馨香閱千祀
爲我報子長易義不外此

題陳舍人

希哲

天寒有鶴守梅花圖卷

我昔別北山寓鶴友人處十年還山鶴仙去輸君與
鶴常相守早年禁近抽簪久曾趨溫室樹無言歸誅
孤山梅在口雞羣顧影殊常倫爵縻雖好思出塵白
雲長護書千卷明月來窺酒一尊君不見腰纏十萬
何足數鶴到揚州思遠舉又不見車前八駿徇以身
華亭之唳那可聞歲寒我欲尋三友鄧尉梅花鶴與

君

題巴臬使

哈布

看劍引杯圖

東閣風流乍許窺披圖宛對浣花詩賈生自媿相知
晚不見吳公作郡時

旬宣到處有仁聲心跡無私比太清電埽公庭稀訟
牘于公把酒益精神

滇南樹績在旂常孔翠高冠出上方平過人間不平
事一條秋水匣中藏

循良治譜本兼儒公暇重開萬卷餘佩犧帶牛風盡
革三吳大有爲公書

戴星勤績已傳留秉燭何妨作夜遊我亦扁舟學吳

詠論心多上庾公樓

知音兩世結緣深
花萼追赶到竹林
紅葉樓臺如畫裏
勞公一棹訪山陰

題地樓夜集圖

谿山最佳處
細路轉丹楓
漸升坡陀高
遠見飛闕豁禽聲
正相樂
花事亦未歇
良友期適來
遊蹤興難遏
摩碑訪遺宮
淪茗到禪窟
歸途屐折齒
列坐燭見跋
玉山一時穠
金盞十分凸
分手卽席間
懷人忽天末
題詩補前塵
對畫慰中渴
憶從婪尾花
看到當頭月

揚州方立堂招飲作

別緒紛綸話
夜闌故交鄭
重整杯盤尊
前落月隨人

到鬢上新霜秉燭看蛤蠣味邊忘事易鱸魚風裏去
鄉難甘年陳迹依稀在他日鷗盟未可寒

爲吳玉松太史

雲題蓼花圖

紅蓼偶相對滄江思渺然九衢塵土裏一夢水雲邊
玉宇寒逾豔花磚望若仙歸舟應羨我小泊此花前

題裴孝廉

鑑午橋耕讀圖

晉公別墅記南莊勝境重開句曲鄉地肺仙山當戶
列秦淮源水到門長傳書不墜青箱業觀稼還營綠
野堂我愛青谿作流寓謝墩南畔泊城旁

題汪大令驪泉圖

空谷泠泠碧玉音似曾相識寫曾襟飛颺影自蓬山

下棲鳳枝還聖域尋

爲吳思亭題錢蘿石先生蘭竹

不見靈光有所思淋漓醉墨想襟期丹心直節無人解付與空山片石知

錢春和戴竹友

延祿韻

花事闌珊急雨催春光未老興先積贈行倩爾將愁去小別如人有約來濃綠似嫌頭上雪飛英猶戀手中杯錦袍濺酒仙舟蕩此樂人間第幾回

題陳舍人守譽薊莊山居圖卷

朝水樊川併一村何時親款太邱門百城書卷承先

世漫齋先生嘗聚書數千卷總命曰江西文統第五才名並哲昆君行離

鳳早年看展翼桃花平世豈無源清涼山色聯吟處
止惜先生席未溫

僑居金陵客有比予隨園者戲作此詩

孤負隨園曠世知生兒略早去官遲也營招隱三層
閣尙少驚人萬首詩福地淹留先有約名花開放不
同時只愁此後無窮世賭墅爭墩又待誰

隱仙庵古梅

六朝山裏一枝春瞥見繁花照眼新厯劫不消香骨
格幾生修到玉精神年深未必求知己夢好常疑對
古人不是隱仙狂道士空山誰與闢荆榛

十一月廿一日慶方伯過常州屬題萸灣泛月

圖卽次元韻奉送入

觀

金闇亭畔手纔分又值扁舟訪戴人一夕蘭陵同翦燭渾忘宵漢與沈淪

鐙火杯盤共一杭最佳風味在鱸鄉饒他邗上三分月可抵江南一片光

大海浮萍易合蹤朝天莫惜去匆匆誰摹李郭登舟處添箇神仙入畫中

贈行東閣折梅華有脚春回未有涯不繫舟中重話

舊制署有亭文端公題不知公節鐵又傳家
繫舟與袁簡齋集處

惠山第二泉觀魚口占

水底游魚上碧天山光日影共澄鮮中冷未必清如

此妄被人呼第二泉

題周勵齋載菊圖

開尊看到傲霜枝九畹香中記索詩花亦知君難割
愛春蘭秋菊不同時

仙厨絡繹進奇珍笑我空餘漉酒巾一種簪來花更好
高冠翠羽鬪鮮新
扁舟人望若神仙幾輩同尋翰墨緣記否耆英高會日尊前
花是傳延年

又題鄧尉探梅圖

已盟鷗鳥卸銀魚水色山光黛不如却笑孤山太孤寂
要看紅袖折花初

沈烽靜柝等閒過
豔曲尊前喚柰何
驛使縱傳春信到
一枝不及萬花多

風泉聲裏管絃清
錦叢邊雪月明
高臥東山閒未得
愛花心似愛蒼生

題采芝圖

弱齡慕仙術蹉跎鬢霜侵中間困游宦及此初抽簪
朱君究方技福地來句金聞有龍仙芝

見茅山志
結伴同

招尋茅濛避秦隱越翥入穴深咄哉陶隱居混俗無
遐心梁武非仙才虛譽相浮沈我乏駐顏方臥疴對
遙岑早讀黃庭篇不爲梁甫吟相期訪真侶舒嘯開
神襟舉手謝時輩遺以青鸞音

題王觀察廣言憶舊游圖八幅

續室書聲夜向闌
雪花入戶淚汎瀾
誰知絳帳虛垂日
報答宣文逮養難

款段尋詩墊角巾
槐花如雨逐征塵
錦秋湖水長山色
併入文章秀絕倫

含香粉署幾經年
檢點山公啟事傳
我亦鴛行曾聽漏
高寒回首夢銷天

一麾秋曉出春明
且莫登仙羨此行
何術澄清纔攬轡
至尊前席問蒼生

鐵溝重過不勝情
歲歲乘槎指折津
一鶴迎門似相識
再來人換繡衣新

金焦兩點鎖江流，破浪乘風作壯游。
九萬圖南近霄漢，低飛何事羨閒鷗。

觴客南屏畫嶂中，至今石室繪文翁。
須知燕寢聯吟處，電埽公庭案牘空。

九疊匡廬杖策還，驚人詩卷動江關。
待君更握三吳節，吟徧東南一路山。

閩督董同年

教增

歸里賦贈

廿載重逢鬢雪新，卅年同醉杏園春。
一生峻望逢迎少，九曲巖疆節鉞尊。

上諭丁未榜狀元榜眼

外補揔關宣室念

君陸見時求內用

與汝俱外任亦是榜運
遂初還乞散仙身，尊鱸正好時清泰出處。
俱堪傲古人。

題嚴子陵却聘圖三首之一

畫中風景似前知，雛鳳雙雙抱。又攜圖中有二子，載得西施只孤往。浮家此段勝，鴟夷。

題周明府午日山居圖

萬疊青山一派泉公庭銷夏正鳴絃誰知枳棘卑棲處心在羲皇上古前子隱不妨來立石東坡止解此求田更慙咫尺桃谿路未放山陰訪戴船

乙亥花朝同人集五畝園吳思亭有詩見詒次韻奉答

結廬人境隔塵囂，舊雨頻來不待招。千載論交忘月旦，一春行樂過花朝。竹林徑好三三闌，梅閣寒從九

九消老去相如重滌器何須榮遇說題橋

方觀察

體

招飲署齋時新葺綠雨山房次吳思

亭韻

病來書欲納楹桓作達輸君酒盞寬茅屋數間重結
構蔀簷一路待全安經綸花石真餘事圖寫江山亦
壯觀壁間有廬山圖好繼陳勛請疏浚潮溝春水十分
乾時議復秦淮水道便民運載

殘燈

殘燈明滅隔書帷門外霜風動地吹淅瀝雨聲愁不
斷呻吟病骨痛難支永懷茅屋將積戶遠憶扁舟涉
險時我擁溫衾坐深閣也須矜恤漫嗟咨

受業弟星海校字

自七卷已上乃檢篋中零星稿紙編次成帙此第八
卷爲治城遺集凡古今詩一百二十三首又七卷中
搜羅未盡者也先生詩多不存稿九歲作落花詩有
句云明月照空池少與同里知名士遊爲毘陵七才
子之冠復以伉儷能詩嘗摹宮體有婦病句云眉痕
偏覺瘦來濃指爪都從病後長一時傳誦蔣侍御和
寧嘗稱先生詩云氣清才奇筆超非吸風飲露者不
能也其縱橫光恠眞推倒一世智勇吾鄉大有才人
應讓此君出一頭地程太史晉芳亦稱先生七古詩
云蒼涼沈鬱自有七古以來此種未滿十首真太白
再生杜韓則無復爲之何況餘子客長安節署與友

人一夕賭作銷寒各體數十首踰時而成文不點綴
惜已散佚僅存東坡生日詩一首耳暮年酬倡之作
氣息醇茂尤得風人溫柔敦厚之旨其餘題詠尙多
散在四方他日搜輯再刊補遺從子壻龔慶謹識

冶城集補遺一卷

芳茂山人詩錄第九

賦

館試千尺雪

賦以飛流漱峽盈科不已爲韻

訪泉聲于巖壑挂瀑布于烟霏望千重兮峽峻儼六
出兮花飛吳郡峯多數寒山之故蹟說文箋罷題聽
雪于禪扉始則幽人疑徑逸士沿流谿水潔洞悵桃
源之誰入小山蟠鬱攀桂樹以難留想三島之神山
未通銀闕比五丁于天棧空望金牛乍疏鑿兮粗加
遂林泉兮發秀劈當玉于崇巒走白龍于孤岫風吹
不斷披襟則快與相當石破飛來礪齒則寒難多漱
于是光照幽崖涼生遠峽陽春不散訥瓊樹之常新

碧漢逾明擬玉山之高插誤蘭舟之訪客安道頻來
問蓬戶之幽眠袁安應怯旣躋攀之迢遞亦激蕩之
晶瑩似匹練兮孤曳方皓月兮常盈積是天山無間
寒溫之節落非銀漢猶聞斷續之聲繭乃襟虎邱之
岌峩帶鶴市之陂陀嶺穹隆兮比德峯縹渺兮同科
仙闕遙開似靈巖之石峭天花亂落奪鄧尉之梅多
昔之放浪烟蘿淡懷簪紱雖托志之幽遐遜茲方之
奇崛氣凜然以自異雁過頻驚徑覓絕以誰援鳥飛
猶不山非仙而亦名人其地以專美況江介之膏腴
又蘇臺之密邇看遊屐之時經觸吟情于無已自
天題處墨花與玉屑爭霏拔地移來峭壁共貞珉並

峙

治城集補遺一卷

芳茂山人詩錄第九

長門召幸圖

流天明月夜笙歌向曉銅壺靜不波恃有黃金買詩
賦可知永巷望恩多

閉門

閉門苔綠抱幽人
桺朽書淫動一旬何物牡丹猶爛
漫江梅開後已無春

俠客行

三尺劍如枉矢主人奉觴客上視主人纖介莫復言
且去海上尋神仙朝行歌暮行乞綠蘿如烟坐石室
武功尺五骨夜飛日腳射而聞天雞青狸前號鬼旁

怒客于此時馳不顧鬢絲一夕爭心長尺組爲國平
邊疆佞臣頭汗不足用飲器須復煩名王

送別

城開見春草極此萬里天何不斷征路青青分道邊
離程斷還接放手何能及看盡陌頭人雙辭復雙立
君行路多岐我心有因依東風吹楊枝百葉盡向西
鞭聲鳴空林知君去烟底淚冷不得銜風吹落眼尾
呼君莫回頭前有百里程波明單騎影華晚獨吟聲
獨吟還獨宿夢識青山曲一夜鵠聲驚驚魂落谿屋
酌我綠玉醪開君瑤華音窺杯見愁顏投杯感孤心

寄洪大

禮吉

絕業平生亦有儔異人盧霍待孤求百年易冷名山
骨萬里誰馳極塞頭獨旦遡琨休輟舞兩賢蒙羿亦
須讌牛衣尚有長貧婦爲訪騰空作遠遊

詩三章

鳳皇爾何能毛質敗四海不及銜石禽精誠死難改
山羊一角能觸邪裁形作冠當殿衙白麽我謂可菹
醢世盛安用相驕誇男兒自有志江水亦有涯涯空
詎無旁志大終不他讐若金在鎔我必爲鑽錦鑽錦
森森一千丈決雲能開截流響安能從汝繞指柔正
畫匱形如翫翬

懷蘭褐衣中種蘭無人處折蘭擢爲灰慎勿寄行路

芳草自有心男兒亦有恩眼中天多地三尺抽劒百遍行前墀男兒雖有恩芳木自有心青桐未伐更百尋安用屈折揚徽音子期叔夜去不反九死莫作師

涓琴

羲車何驪驪微物各有求雋才無長年夢鏡已白頭
精氣塞大明遺蛻安足留黃埃濛濛撒如雨下辨齊
州盡絕土中天自日若不光我浮其生讓前古吟詩
作賦豈足論後世知我勿以文朝狂暮狂胸礧礧復
取醇醪自昏穢朝愁暮愁衰色侵只借粉蠹耗雄心
淵慙以後盡章句人傳莫復求儒林

陶隱居遺址

前有陶淵明後有陶隱居斯人乃生六季餘桃源茫
茫不知路只惜先生此山住道人指點白石壇古屋
裂地生琅玕心知至人本無跡尚厭碑碣汙名山丹
砂茯苓此閒足何必聯翩至皇屋山中章奏達帝闈
非吏非隱胡紛紜當時丑木變草肅宰相已受前朝
恩君不見大茅仙人亦殊苦上界今猶列官府

神仙曲

海明巖天雲立空懸珠結玉成仙宮桃顏阿母雙鬢
蓬裁帛夜寄東王公莎羅作轡駕紫鴻吹落笑語從
迴風文螺之卮碧蒲席白蛙如霜飯塵客鮑魚腥聞
少靈骨重霧媚娥喚劉徹衡蕪枕暖夢不醒明日密

刺刑文成

自江寧至和州途中作

四首

斷煙疏雨近清明陌上花枝笑獨行一夜孤吟憶犀
渚兩番別淚洒金城空村病馬驚風立落日荒雞趁
客鳴小住溪頭最惆悵春波如夢綠蘋生

短牋裁恨與閨中夢破征途怨曉風藥裏不靈生太
瘦愁城有味賦偏工可能兩鬢年年綠驚見山桃處
處紅記否勞勞別時語索君詩寄北來鴻

王孫去後草黏天纏纏游絲欲化烟淺碧四山圍歎
段亂雲一樹挂秋千漸憂壯歲如三月可憎前生是
隔年灰蝶有心飛不去豆花開遍野塘邊

窮交千里恨分飛誰歎家園舊雨扉自謂過之今不及聞人多矣子真稀好憑采石爲書几欲踐天門作釣磯江北江南兩愁望白雲幽桂素襟違

幽居

閒禽有餘樂相對鳴不已石逕銜梅根風檐響柏子
空光隔簾青落照入林紫中有草元人鬢絲垂兩耳
夜坐懷吳二

開卷思君久缸花落紙燃瘦應憐我在寒欲到君邊
忽憶醉歌處驚看月露鮮素娥如解語不忍向君圓

春感

黯黯羈愁枕手眠征魂淒斷買花天一痕殘照千絲

雨春色如人弱可憐

壁上新詞納細蟲
月寒燈盡背香籠
檀奴不返春空老
敲碎檐間玉馬風

曉渡烏江

日出江頭櫓聲苦
咿咿啞雜人語飛
烟冒空滅復明
對面帆檣迷處所
舟人說事不解愁
驚起毅魄鳴啾啾
英雄失路古同情
一夜夢斬淮陰頭
只有碧水流不已
壯士聞歌髮休指
重瞳背寒赤龍死
西風欲立一江水

曉坐

曉風吹檐絲桐花落如剪暗綠凝愁眉濕紅團淚臉

幕幕出竹煙斑斑積階蘚瓦獸對蒼鼯銜松下荒厂
蟬軀變靈質柏髮易衰鬢空簾感秋人流光展書餞

寄內

新恨都因夢微涼不解醒弱螢樓戶動飛露墜枝明
帳側銀鈎落檐虛玉馬驚芳心灰共減隱几道書橫
蟬響動高梧星低夜暗徂疏霜生玉簾斜月覓金鋪
壁靜蟲牋在闌空雁帛無鬢香銷枕久不耐曉吟孤

病目

西施嫫母久失眞妍媸過別天公嗔今人碌碌古人
在此中那得空四海我今有眼青不能白眼嫉俗宜
爲懲天公憐弧射眸子欲令狂生悔如此豈因酒惡

生紅雲不爲風酸落鉛水請對以臘目若言公勿嗜
飲羅烹膳凝神寂慮壹氣存母耗爾精德之門我聞
大笑莫予侮瞭眊眉中豈無主張生不盲舜父瞽世
間病目那勝數日月有食同清光至理苟得形骸亡
膾脂遮眼我何病快意一醉猶能狂

入塞

廟食將軍笑烏啼少婦愁徒聞萬人入獨有貳師侯
自喜邊氣靜何辭薄命休所嗟空物故不獲其馳頭

和胡雲坡宮保師紀

恩詩元韻

崧高今古迭生申當代儒宗有替人一卷遺經傳似
續三槐奕世晉絲綸白雲望比天樞貴烏鳥情通造

化仁請諡期過還賜諡非常令典爲耆臣

九家撰述揚先志乙部收羅契

帝情楹內納書

齊相去殿中曳履鄭公行論邈文矣千秋定謚取良

哉一字榮自是甘盤勞記注載

恩追孝感交榮

燕翼人皆頌德芳龍門我幸近清光西曹肺石論寬

猛南國甘棠未翦傷

宮保會官江蘇按察周甲年深增少慕

公背世六十兩朝主聖得臣良承家又見孫枝擢朴

吏部與星同歲入翰林清白遺規慎莫忘

闕題

麝蘭香好莫輕誇一種人稱及第花除是仙人攀折
得廣寒心性厭繁華

散花時節近重陽招隱吟成舉別觴應是秋風吹不落山中顏色畫中香

題折蘭美人

回首天台有所思青衫白衿好年時窺牆不爲東鄰宋直愛青蓮醉後詞

俠游前度記停槎香水溪頭第幾家不但成陰愁杜牧種來桃子又開花

珍重崔徽畫裏看沈香薰罷供幽蘭攜來小影天邊住應夢飛身入廣寒

送徐臬使浙之任江西

石城雙槳送行旌春水三江比別情曾否籌毫識承

旨居然投筆笑經生淮徐堅壁紆籌久隴蜀虜功睡
手成贏得傾尊重話舊萬花影裏碧山橫

雷菌

蟻蟲初醒燕初還自愛園蔬未忍刪幾處踏青經雨
後一聲隨筍出林間偶同蘭草生當路莫認仙芝賺
入山肉食客來仍染指爲他失箸也開顏

題青山莊訪古圖

里居時子與洪稚存太史

亮吉

王秉玉比部

育琮

吳公珍明府

堂

常遊青山莊尋訪古迹

閱十餘年予得第入翰林三子皆計偕北上
會合京邸補寫爲圖其後洪王登第吳以縣

令隨牒中州又數年而王捐館舍又十餘年
而洪吳亦下世矣

眼看華屋變平疇席帽僧衣落拓遊交密總思貧日
好情多常替古人愁黃爐寂寞稀同輩白髮淒涼過
故邱一度披圖一怊悵青山門外卽西州

立夏前一日趙昧辛

懷玉

舟過吳門小集授書

堂味辛與林遠峯

翁

俱有作次韻和之

一櫂江湖水接連蓬君剛舉餞春筵遲來未與耆英
會前五日與潘榕泉吳玉松周勸齋石琢堂諸君有此叙得句重聯翰墨緣鷗
鳥盟寒甘鶴退子規聲好勝鶯遷時聞李松雲前輩官春光似海留難住獨閉衡門畫霸川

幾輩重登李郭舟。細從華屋數山邱。人如魯殿成遺老。

水愛平江少。

濁流過眼花開到。婪尾擊鮮魚。早集

吳頭

時始食鮆魚

未成歸客攀行客。又向常州入潤州。

菊有同枝異色者。紅黃並放因屬袁吏目爲圖。

口占紀之

駢枝殊色鬪濃纖點染秋光費筆尖。如此名花耽隱逸。姚黃魏紫一身兼。

題汪小愚桐陰聽鶴圖

菊花叢裏扣園門。難得相逢把一尊。可是家山忘未得。桐成琴後鶴乘軒。

君住西湖我北山。除書恐復到柴關。未妨他日隨雲

出又買扁舟載鶴還

題甘于湖敬侯墓碑

東晉衣冠成古邱文孫不媿繼賢侯蕭蕭風木鍾山
路訪墓何時跨蹇游余祖明佐命功臣諱繼建賜葬
鄧龜山至今尚未訪得其墓

寄王生詩

袖裏桑經真故紙眼中瓠瀆又登臺蕭蕭白髮華年
去可似黃流挽得回

闕題

曾記鈞天結綬隨見公自媿挂冠遲東南山水題名
偏況有驚人萬首詩

五色雲中數少微三高祠畔遂初衣家山未遙蓬山

好離鳳摩霄亦倦飛

九月晦日王通守招集得樹庭作

風光又餞九秋天得樹庭開幕屐聯脫略要如斯會
少招邀終賴主人賢清歌懸懸珠同貫晚菊疎疎燭
助妍却笑病夫剛制酒爲君破例一陶然

重疊前韻寄方觀察體

未妨鹽鐵議從桓經術能兼吏治寬司馬園林非獨
樂杜陵茅屋似山安三三會恐追陪後七七花開頃
刻觀方牧清風只如此豈宜筆笑德琳乾

單父塞河詩

一卷河渠手重開防川此日爲低徊誰知都水行河

去翻似高人荷鋤來詎假長茭和玉瘞徑須捧土障
流迴毫殷從古嗟昏墊先事何人與捍災

功成不日聽輿謳紅旆巡工下綠疇曉坯人如春蟻
出夜堤燈似燭龍遊放晴天與經旬便輸桔田仍一
倍酬極目東南風浪惡江鄉誰與繪民流

賈策於今未合宜上流築堰竟相持黃金與土真同
價滄海爲田只片時比戶視民猶按堵看山容我又
支頤自來河勢同兵勢祇要爭先一著奇

曹南道中即事

麥浪村村見桑陰處處成政平民物便官定夢魂清
訪古經雷澤看花駐郡城最嫌游未倦旌蓋促行程

九月二日工次作

丁巳

早年姓字被人知中歲功名漸覺遲九十韶光過一
半此中爛漫是何時

時年四十五

霜螯箇箇客前排菊藥離離影亦佳卻對杯觴不能
引黃河萬里在胸懷

誰言曼倩戲塵寰玉宇高寒鶴未還屢見桑田變滄
海神仙光景似人間

也隨雁陣宿高岡喜見犁田透麥芒拋擲華年與佳
節忽忽七日又重陽

將歸江左作

夢見歸期已有期重看衰鬢惜歸遲官隨病去愁才

減鶴共書還喜可知

出山時寄
鶴友人處

尙厭浮名染俗累幸

無長物擾清思仙都未抵東南好花月春江載酒詩

吳次升太守送牡丹至金陵卻寄

驛騎傳花到恐遲故人情重合酬詩移栽堂北蕭閒

處憶見曹南爛漫時

丁巳歲試上曹
南值牡丹正放

異種未容金作

價清風應與石相知

唐陶山取廉石之
意爲余題廉卉堂

白門四月春

如海人愛姚黃第一枝

弇山中丞見示木瓜詩四首次韻奉和

是誰投我伴堂空
永好情添一倍隆
秋實有人成獨賞
歲寒知爾更堅中
經時抱樸兼金價
他日調元上藥功
恰稱廣平心似鐵
不須梅蕊賦才工

雕盤玉案薦相期一摘寒林莫怨遲心比和圓能不
轉味如諫果有餘思求曾若渴虛長夏熟豈因人獨
後時定恐東陵名近似細從香氣辨差池

相於懷袖亦因緣耐久交同竹柏堅曾與提攜休落
手不施雕飾竟朝天宣州人種木瓜鑄紙作花根留以充上貢見本草圖經

中土疑雲上山憶宣城隔雁邊金粟前身誰省識好

離形相認方圓

櫧梨香讓久還聞桃李情同重不分作報商量清比
玉相扶容易步凌雲莫愁抱蔓隨秋盡須省傷根有
客芸曾子芸瓜誤斷其根事見家語看取華堂存碩果主人栽得十

年勤

龔子少山編次吾師遺詩合之手定諸集共得八卷
蓀旣爲校字付之剞劂矣復搜羅散佚將編爲補遺
適句曲裴竹臞茂才寄示藏本一帙皆丙申以前少
作中與雅存先生酬倡者居多南麓先生因屬亟爲
校錄前稿所未載者共得古今體詩二十四篇悉以
附入斯編並授之梓噫乙未丙申之間兩先生皆諸
生耳顧王君周南旣手錄其詩裴君復藏之篋笥珍
若珙璧今兩先生手稿往往棄去無存獨賴是帙以
傳若裴君者其亦異於世俗矣夫受業海寧楊文蓀
識